

詩

經

子

集

子

丁亥八月 維嘉



詩經子集
子

頌格序詩存十六卷

共 2 册 存 2 册 排架号 08423

温州市图书馆

75.45

索书号码 8040

登记号码 09437

共2册

成都中學

惠存

校友曾光鼎敬贈

飲

飲

惠

通



須

詩

亦

季

廬





八	民
月	國
刊	第
於	一
成	丁
都	亥

序一

自序

往履川從余學詫其才氣奔放勁骨天挺斷以爲大成之器既而履川遨遊兩京間頗以文學見重當時洎今十餘年集其所作詩三百餘首示余屬爲是正讀之多瑰異可喜之作並世詩家蓋莫有能儷焉者夫詩之道小矣然非熟於三古以來風騷作者下逮兩漢魏晉唐宋皆擷取其精華而糅合以爲吾用則苞乳貧隘必無足觀取博矣又必其才之秉於天者有所獨到方能驅駕衆說以自成其郭郭夫然後豁露面目矗立於千聖萬傑之間獨樹一幟而不爲多與羣賢驂駕拾驅而不

可少也今履川年事方盛所造已卓卓如是爲之不已
其必能自樹立奚疑獨惜以履川之才使生隆盛時上
之足以黼黻升平藻潤鴻烈次之亦當珥筆承明備文
苑清華之選今旣皆不能及而世道所驚適與偕馳獨
絃哀歌以自抒其怫鬱反不如郊島之倫微吟草間者
足以邀賞音於里耳是則其所遭之不幸也雖然士固
各有以自得極履川之所詣精光照耀固將卓然開一
代先聲率斯世之志業者共進於碩大昌明之域藉今
不遽遂而千百世後亦必有同聲相應者昌黎嘗稱其
聲大而遠夫聲大則不協於近聽遠則不蘄效於尋常

獨立不懼以待後之作者持此鵠也以往其意量之所
期姚遠矣微特並世之未流無足道卽所謂承明黼黻
者又足以當其一眄乎哉而所遭之幸不幸更足挂齒
頰間哉履川聞吾此說必將莫逆於心相視而笑也

癸酉三月桐城吳闔生

笑百三日麻城吳國主

戲問詩人川國晉出鏡必釋其並付小麻城而笑也

昔又足以當其一兩平。若如河數之幸不幸更足以封爵

其數數矣。然亦在也之未盡。無且首明河階承印無難

際立不豈以持。後之乎。昔。若。以。封。其。意。量。之。相

序二

余年十六游北京受業桐城吳北江先生之門交豪俊少年數十輩而與武強賀孔才江甯吳稚鶴閩侯方障川曾履川過從爲密吳先生於尙書詩春秋左氏傳太史公書莊子韓非子呂覽及所纂古文範皆口授尤喜言詩大氏風騷以下以李杜蘇黃爲主當是時高第弟有南宮李子建承其家學工詩方官邊塞不侍講席學爲詩者孔才履川及余而已君旋官交通部散值輒過余上下其議論賞奇析疑蹈瑕抵隙往往就名家集摘其疵類窮究其由朱墨紛綸他人所不能辨余嘗恨君

持論過嚴而濬思源拓胸度於吾師之所詔益有悟者
君力爲多民國十七年君南歸就婚嗣官南京余轉徙
北方獨與孔才長相見然與君緘札往復論究嘲謔一
如曩時二十一年余移居上海復與君聚往還視昔尤
勤每宿於君之涵負樓深夜語不休至取憎童僕所語
無非詩者如是又且四載蓋十餘年論詩翕合之樂未
有如吾二人者也君遠祖卽庵先生以詩鳴明季而高
曾以次皆有集祖伯厚先生尤工詩居北京久廣識並
世詩流君幼時則已讀今世諸名公之作千數百首而
於散原精舍詩繙之數周及學於吾師復受范伯子詩

尤篤好之是後大導其源爲詩益多君所致力者陶潛
阮籍杜甫韓愈蘇軾黃庭堅諸家要歸之於杜亦博其
趣於孟郊李賀李商隱韓偓王安石陸游宋以下作者
元好問外涉獵而已自君官交通部時嘗敬楊增榮旣
南游復嘗從問詩於陳衍陳三立而治詩塗徑終不外
此君論詩主雄深雅健以謂詩之能深者未必雄能健
者未必雅雄而深斯爲真雄健而雅斯爲真健此固繆
合而不可分世之視浮囂爲雄鄙獷爲健者不喻焉疲
心於字句之末自足於其艱晦偪仄而笑縱橫悲壯之
作爲可以驚四筵不可適獨坐者亦不喻焉是以論詩

必宗杜也夫杜甫之詩所謂大含元氣細入無間惟元氣也斯能入無間而不隔充無外而有餘君又以謂善學詩者知相反相成之理必擷人長以益吾短孟之視韓雄肆駿邁遠不逮矣而鑄鑱險絕則誠過之韓之欲四方上下以逐孟善取資也蓋吾二人所爲刺刺語深夜者雖扶疏千萬言皆一發乎是君今以師友之督刪集其詩三百餘首印之余故書與君交游議論之迹以爲讀君詩者先焉嗚呼區區文字之微壯夫所不屑究也矧居今不可測之世有史未經之變可發於俄頃生靈文物且將舉爲飛煙何一二名篇俊語之足比於寒

灰乎然世界盡漸滅無論已苟有一二不滅必文字之
精微也且滅不滅固非吾之所措意生乎人間其怫鬱
馳驟之思歌哭所不通神鬼所莫愬填塞吾胸以苦吾
靈者外此其將安託苟其掘於靈淵之底而發乎聖美
之極其又何求夫靈可冥通也由是而鼓盪一世振導
千襪可也雖不措意於不滅而不滅者在矣君年未四
十其繼此而發發之益精醇者吾知其無紀也發之愈
精愈通於靈則喻之者愈益寡門戶之外紛呶之外所
餘者幾何然則君固將繼此以發余亦將繼此以書期
質證於其人而已矣民國三十五年三月懷寧潘伯鷹

况

亦亦取取於於能能順命命之之存存愈愈益益其其門門之之

不不漸漸而而漸漸香香若若矣矣香香若若未未四

之之海海其其又又向向來來夫夫還還回回冥冥必必由由長長而而短短

靈靈皆皆小小也也其其無無交交指指其其無無欲欲靈靈之之氣氣而而

無無為為之之思思無無哭哭無無不不無無無無莫莫感感其其

無無於於也也且且落不落固固非非吾吾之之也也昔昔意意主主乎乎人

亦亦乎乎然然世世界界盡盡兩兩無無信信可可而而首首二二不不

亦亦乎乎然然世世界界盡盡兩兩無無信信可可而而首首二二不不

評語云此眼非尋常眼也世皆家民愛平主此眼
桐城吳北江先生曰精光灑氣凌紙怪發質幹雄肆而
吐屬雋異洵爲曠代偉才具此才力三十年以往當以
此事孤鳴海內莫之與京也
又曰瑰才瑋氣凌紙怪發此才不可一世並世詩家無
足與之儷者矣

侯官陳石遺先生曰氣勢雄俊時有極沈摯處如書先
妣事略後發并研哭畏廬上堯生芸子諸篇皆是

又曰近賢詩清脆者多雄俊者少若履川可以走僵籍
湜矣

義寧陳散原先生曰才氣橫溢魄力雄偉有霄雲卷舒
海濤洶涌之觀不意此世復覩蘇子美王逢原一輩人
殆祖德家學之漸被深矣
又曰恣肆瑰麗才氣不可一世古今早成作者殆與王
逢原相匹敵矣

又曰骨力雄強氣勢縱恣錐幽發祕高挹羣言抗蹈杜
韓旁獵皮陸莽莽塵海旌此異才

也風克耑往從桐城吳北江先生受業治詩古文詞其
琳琳後復以詩受知於吾鄉陳石遺先生義寧陳散原
信諸先生則吾祖所推爲近世詩家冠冕平生所私淑



者也茲刊拙集敬錄三先生評語於卷端而非所以
 示標榜藉以見授受淵源所自平生祈嚮所在云
 爾民國三十六年八月克崑識



理

理

公認

公認

公認

公認

爾其圖三十六年。有在吏部

示對對蘇以良對受對對自平主漸漸

香由茲以對對對對對對對對對對對對



頌橘廬詩存卷第一

孔才出示石鼓拓本屬作歌次昌黎均

橫風破海軒層波愁來高誦昌黎歌車攻吉日今不作

望古魂夢傷如何雄文法物震廊廟龍蟠蛇屈森矛戈

字奇語重爛金石綠文丹篆寧能磨神風海上忽引送

長鯨萬怪森包羅北斗瑩瑩插霄漢昆侖萬仞何嵯峨

嗟哉神物世罕覲豈能終古淪巖阿珍如球鼎列大學

至今神鬼猶護呵重鉞十鼓亦照爛面目雖似神則訛

紙本摩挲發高唱子歌視愈無殊科長劍倚天吐光怪



獨以赤手搏蛟鼉風雲震電交摩戛深山大澤蟠虬柯
雲章霞彩耀八極蓬萊織女飛機梭新篇照耀已如此
况兼腕底奔蛟蛇會看六丁下攝取一笑皓齒發青娥
黃河派流何蕩蕩吾細流耳等滹沱廿年兀兀遂至此
頓轡無術迴羲和雖嘗埋頭誦文史陋儒寧識籀與蝌
迷途躑躅長漫漫百勞一獲終無多桐城大師執鞭策
恨我駑蹇非明駝周鼎商盤有摩寫經眼僅若雲煙過
燕石錯比金璞鑛枉勞大匠爲磨磋精魂況役佞盧字
把筆寧暇論磔波鋌鏗森森逼向我翻然禦敵思牧頗
舊拓流傳終有待豈真由命非由它昔歲大學曾瞻視



欲行不忍增妍媸深恐碧眼胡輦去淚眼不惜千摩挲
 退之歌聲滿天地歸來不敢賡吟哦何來君詩摩韓壘
 作書早換山陰鵝得此朝暮兼暝寫應有剛健含婀娜
 君不聞岫嶼神碑鬼莫識遑論大道綿邱軻倘使至精
 無人會與子擊楫浮天河探源倘窮星宿海百年應不
 嗟蹉跎賈誼山王粲秦廷封印儲孤萬里西丘乘食肉
 孔才鑄印歌七跡寧身毒藥重懸動映昏高舉天詩
 長虹百丈青蒼摩神物甯肯殲么麼恍接籀斯傳真諦
 胡不勒銘鎮邊裔龍蟠虎踞風雲生驚飈爭撼鳳皇城
 妙技屠龍成莫試霜鋒徒蘊山川精蒼崖吼裂霜天寒

紫雲墮地蛛絲殘女媧鍊餘色猶瑩造化何術逃鑿刊
蜿蜒蛟龍奮牙角矯如鵬翼雲霄搏寶氣朱霞騰壯采
丹砂琥珀供盤餐招邀神鬼下爲證妖要亂領敢相干
自有光精射斗極寧畏毒霧重遮漫知君高舉摩天鵠
嗟予猶寶荆山玉磨琢封侯印倘成萬里西征飛食肉
泔澣千金爲買方真當爲子療皸瘡吁嗟乎秋原碧血
來腥風龍興蛇仆誰能窮願共昌黎爲刻畫四方上下
逐雲龍

冬夜對月有懷

鬱伊誰與訴霜嚴夜逾永萬象森我旁樓觀入幽迥素

娥忽弄姿寒芒吐微炯金波搖浮闈恍雜萬蛟蜃婆娑
松影圓窺簾草木靜歷落數星辰指點參與并露氣漲
煙痕夢驚宿鳥醒魑魅遁無迹柝聲定人影抵掌接高
談噫氣成滄溟吐納翕百靈玄鑰闢神境悲笳三五弄
風鶴唳愈警遙憶凝碧池霜空鴛瓦冷微茫生愴歎對
語咽悲哽幽思不可說灼焚到肝腎四壁息萬籟微歎
聞蛙蚓應聲徹衆類乾坤鬱孤憤明漪橫河西冰壺淩
倒景何當躡清都微風蕩孤艇天梯攀無由瓊樓那容
近弟妹阻兵戈况隔峨眉嶂庭闈有餘戀問我何時返
蜀江澄素波飛夢敢辭遠

哭畏廬先生

白日墮虞淵羲和挽不起疾風扇洪波奔騰未可止那
堪狼豕突隳墜到倫紀少微炳孤光光芒互萬里一震
懾萬囂魂魄褫賊子先生冠羣倫人天澈表裏早歲奮
孝俠義問動神鬼窮探遷騷精馬鄭揚糠粃笑抉雲漢
章排雲忽下視瀝血有哀音文成淚盈紙精微貫萬變
燭計無窮世嚴冬大風雪九度崇陵跼平生戀恩心歲
晚不肯已劫餘賸孤臣恩無負養士相望三三百年亭林
實儔比亮節挺孤標孔子孟抱微旨誅亂肆大聲盛氣挾
眞宰瀕危屢無恙自顧嘗慨喜謂是抱道躬彼蒼不忍

死烏乎此天道茫茫甯可恃哲人一以萎萬象日凋圯
運厄起龍蛇曠野號虎兕心喪痛無極悲來不能涕招
魂極寥天精爽迷尺咫魂氣如有知恂恍靈視此噓噏
肆披猖魑魅雜蛇虺切齒而嚼舌九天應髮指

南服稱奧區左海青茫茫精靈炳會之獨以斯文昌二
陳值乾嘉實登齊魯堂歌詩得陳鄭鏗若鳴鸞皇海外
青珊瑚金碧何琳琅光精燭南天誰爲發其藏滄溟萬
里波誰則通其航萬古長委棄至寶奚由章惟師陶萬
化寶書歸括囊精氣所鎔貫牙角肆恢張橐籥鼓化機
寶鏡森雄銳虞初九百篇鑄象窮要荒區區救世心沈

痛到肝腸教澤所浸灌萬彙蘇其僵婦孺震名聲百國
驚如狂理窟闡嚴翁實與爲頡頏大哉兩鳴鳥上下相
翱翔合傳排雲翼九天恣飛揚豈意不三歲並圯此靈
光衆流失仰鏡來者迷津梁歸魂暗閩嶠武夷橫蒼蒼
誰復據其巔植身作高岡成茲開繼業閩學揚其芳窮
睇望八荒天風何浪浪嗚咽此海水天地爲淒愴流涕
絕續交佇立徒彷徨何當負艱巨慷慨增激昂

至人羅萬化邱壑藏胸腹般礪忽解衣真氣相倚伏雁
宕墮白雲滃然出幽谷匹練垂明光龍湫飛寒瀑西湖
萬柳絲歷劫作慘綠興亡太液波夢寐縈心目縮此造

化功萬象歸尺幅森森茁芒角簌簌影萬竹寒潭浸明
星荒山聞落木鬱蒼吐深秀秋氣淒以肅神妙窮微茫
忌者猶歎服輦金爭羅致寸縑擬尺珏嗚乎世競利磨
牙吮人肉膏血竭無餘貪饕未厭足師獨食其力微尙
抱茲獨垂老迫米鹽餘以活親族謁陵屢月圖把筆涕
盈握哀來輒無喘卽事成棖觸圖成遺子孫知蘊淚幾
斛逼視起悲風覽者宜痛哭丹青寫寸心隱以維化育
忠憤得所宣甯復知顧陸卽此寄痛思所南信有續憚
王妄比次見適等流俗墨瀋嗟未乾乘虬去何速流徙
遍神州蒼赤禍益酷髣髴誰爲圖斯人追不復

送陳歧曾遊學巴黎

衡湘閩怪數千載發越斯人亦一奇
蹴踏滄溟成獨往沈冥風雨欲安之
吾儕各有攀天夢志士甯爲惜別悲
便恐陸沈淪板蕩歸來無地著般倅

肝膈平生都示汝相期意氣欲忘形
寒窗鐙火盟千劫大海波濤幻百靈
駕浪獨攜原誼憤洞幽試闢翟般扃
佳辰絕域如回首倘見中原一髮青
泣珠詞次寒雲均

金谷飛灰劫昭陽草不春季倫情自重誰復墜樓人
指畫開元盛雲窗踏霧歌不堪流涕說頭白舊宮娥

銅輦餘殘夢秋衾斷故香空城何意照吾欲問殘陽

林蔚文丈屬題虎口餘生圖

豺虎窮宵伍死生隔世期山荒跳魍魎樹老影熊羆巨
厄猶能脫餘生未可悲遺黎安託命滿目亂離時

舊事依稀紀歸來膽尙寒三年走巴蜀一夢醒邯鄲竊
國功猶烈迴天事大難風塵嗟失教西望極汎瀾

別久意疑暫交親跡轉疏故人欣有子遠道忽馳書斯
事消沉久羣生醉飽餘一詩奚足重流涕感知余

表叔祖郭匏庵先生見余所爲其弟嬭壽序招入蟄園

詩社賦呈四章兼示同社諸公

海壖挺孤松龍拏勢蟠結柯條拂北辰卅年戰冰雪太
保忠孝姿磨礱厲風節萬象迴靈襟觀變尾閭穴歷此
千廢興幽憂瘁顏色肺肝憤莫宣鬚鬢看已白撫然念
乾嘉宏文起明哲蟬嫣盛科弟吾宗與頡頏方期致太
平終古無變滅焉知勾陳橫禍變固已烈囂然走一世
誰復念世閱綱紀壞無餘舊德此垂絕巍然魯靈光猶
及接聲欬浩歌有閉門義熙存日月何以支乾坤孤臣
餘淚血

萬怪文字海魚龍中焉藏道德揚其波含澤民斯昌忽
焉天地變日月失晶光歸向頃刻迷云何不速亡汾陽

賢父子念之心摧傷汐社羅衆賓月一舉壺觴科頭各
覓句繞室走徬徨形骸極脫略甲乙逐評量驪珠忽焉
得驚叫幾成狂一笑人間世塵瑳非吾鄉大疋與扶輪
羣龍恣翱翔持以繫將絕一綫或可望回頭望左海巍
巍宛在堂承平恣嘯歌舊事何芬芳事同境則異淒然
思荔香武庫銀官底賦餘萬變噴爲桑麻然及際斯文
才人滿舊京浩劫甯能數涕淚對新亭江山空媚媮羣
公憂患餘憤極不得語名園極徜徉瘦蛟吟何苦千態
與迴旋萬象恣吞吐冥思極造化百靈相爾汝方塘一
泓水瀟瀟流不腐靜景漾沈碧鑑此鬚眉古蒼穹疑倒

置聊與爲仰俯哀湍瀉鳴玉清言出肺腑沈憂如可滌
息機聊此聚潛藏有蛟螭奔噬極豺虎萬鬼猶我旁孰
則不爲虜九天破空去雨露澤大宇何時再騰飛願敬
斯盟主

猗歟吾先祖服官抱所獨萬變飽滄桑翩然返初服文
酒與橫縱海內共耆宿晞髮有咽歌大夢忽焉覺孤生
困薄劣塵鞅苦局促仰首視皇天白日去又速滋愧審
言孫喪亂況在目桐城有大師道遊實秉燭千聖開我
思萬象納我腹肝膈門祕怪百靈忽夜哭方期鵬振翮
何幸夔憐足感激詎足宣藏之在心曲翻恐不舞鶴適

爲羊公辱大匠老輪扁非公吾奚屬商量材不材試爲
施斤斲

昀谷先生出示詠蟬四律次均奉
會向諸天餐法乳甯於末劫染微塵孤吟自與空今古
高唱誰堪迭主賓落葉哀歌無盡思西風斷夢未歸人
家山念亂蜩蟬裏慚愧乾坤旅泊身

秋深祇恐形難化年少驚看鬢漸絲說法欲參無上果
置身寧占最高枝已拚強聒爲時棄莫漫浮沈與世期
抱獨空山歸自媚此心差許白雲知

豈謂居高聲自遠終知志潔飽何求一鳴莫起沈沈夢

萬象都歸寂寂秋天地形骸淪幻化江湖歌哭亂啁啾
榆枋未是迴翔地倘許吾偕造物游

卑棲聊足安無欲衆竅如聞訴不平老我何堪天下濁
對人差喜舉家清百年草木榮枯事一笑人天去住情
底用哀時復哀逝好從無垢證無生

送鴻銘先生東渡

邦家如燬鬢如絲虞夏黃農夢與期東海忍攜衰病往
西山儘有涕洟垂懷沙屈子餘天問去楚孫卿遺俛詩
舜水遺風如可接它年好與訪明夷

疾風能發軒轅夢一卷縱橫廣學篇百國寶書恣開闔

九流異說睨推遷大師遁世吾終惜至道居夷孰與傳
縹緲神山飛不到擔簦無計獨窺天
遐庵先生有庚子元日詩適爲余生日感賦
塵莽勞嘘拂人天悟去來東風灑靈雨元氣孕靈芝星
斗扶營室江山起霸才微生消息在試問嶺頭梅
龍象狂猶甚蟲沙事豈殊醪醑元日酒風雨茂陵書念
亂悲何極憐才意不虛華年送憂患天地劫灰餘
上散原先生
萬靈號呼神鬼馳天吳魂碎罔象啼乾坤盪側海水沸
攪碎萬頃青頗黎沉沉萬象墮蒼莽飛龍逐電相娛嬉

橫挈日月猛開闔須臾宙合歸清夷散原先生體元氣
獨與造化相推移吐吞六籍孕百氏微茫墜緒紹孔姬
盤誥頌雅通肸蠁寤寐自發人天思意度汪汪蓋湖海
蟠胸况鬱千蛟螭豫章誦法得初祖山川千歲猶神奇
玄言自發天地祕噫氣聊洩黎元悲巨刃獨劃鴻濛裂
鋒芒上欲逼參危舉世駭汗奔且跳震鑠海角垂天涯
左海波瀾恣洶涌蜀山聳秀何欽巖吾生飽飲山海氣
童年夢欲追黃羲飛駟已挾羲和往倉皇灑涕傷危時
茫茫學津何寥廓冥幽邃窅風淒迷甫白不作退之死
綴句無復詩騷遺蛙鳴蟬噪遍海甸天外橫風吹斷之

鈞天忽奏洞庭野大聲滌震人肝脾摩挲伏誦無旦暮
口角流沫右手舐恍惚精靈來告語此六丁祕汝能窺
風迴水弱蓬萊遠瞻忽前後艱攀追九垓破碎十日死
半天隱見蚩尤旗星辰飛墜不周折斬六鼇足傾四維
忍淚試睨人間宙膏肓廢疾箴起誰袖手神州看陸沉
生茲賢哲獨何爲詩亡春秋繼述作表裏勸懲相爲資
萌蘖曾無斧柯斬忍令蕭艾紛猖披口誅筆伐氣獨厲
妖要亂領供筆笞豈其風月肆嘲弄長短得失爭纖兒
麒麟竟絕素王筆杜鵑再拜臣甫詩那知隱痛已到骨
紛紛但賞瓊琚詞先生哀吟事如昨直與杜老同襟期

上數千歲下萬紀道術在是真吾師三世况兼孟韓誼
欲從末俗敦澆漓干戈卅年尙滿眼關山萬疊極陔陝
夢寐雖戀瘦蛟句警欬未接孤鶴姿側聞廬嶽已投老
縣瀑長映雪霜髭姑射神人所居處吐納冰雪絕癘疵
山水政要文字助歌詩耑足敦民彝雲霞萬態弄暉變
好杜德機養天倪西江源流衍萬派奔騰直會海之湄
靈源一點倘許挹白波萬丈當揚鬢渾涵滉瀆納光景
風雲霧電交霆霆九天騰蹕試變化六合上下隨指麾
上石遺先生

老去亂屢經名高禍踵至頗哀石遺翁看盡湖海氣索

句有閉門海內馳姓字廿年騰驥子家學未憂墜豈意
來鬼瞰天故不子惠欲窮使愈工憂患巧位置嗟哉骨
肉恩終等形骸僞闔棺如欲語一瞑旋長棄淚盡思子
亭萬里猶馳轡浩劫看已來蒼生日凋瘵哀此垂危軀
衆手爭一試死所誰復知瞪目視諸帥

怪奇鬱文字萬世甯能滅沆瀣感意氣造化疑預設大
羣委未化慘痛紛跛蹙橫流跳猛獸世亂嘻胡烈夫子
吾鄉彥聲譽照江國仰天自撫膺震名咸擣舌抱一式
天下餘事包孔墨神慮迴濤瀾一卷凜冰雪衆流納巨
浸匯諸尾閭穴洪鑪鑄神劍妙技試點鐵平生百慮灰

師友念獨熱此意誰復知
刳肝有瀝血

學雖未可知氣不甘人下
騏驥超天衢吾甯迨十駕
豪桀摧萬古高視奪王伯
懷此頗有年獨唱畏人和
豈伊知者希念之輒悲詫
顧瞻鄉里親愛就耆舊
話儼若父祖臨或者警
余情髮白亂愈催
翻恐漸凋謝警欬接所
尊私意珍無價顧念招
致勤尤幸及親炙奇才
愧長吉

敢賦高軒過心肝嘔示公
所求在譏罵燕京地垂
試

頌橘廬詩存卷第一終
廿七

頌橘廬詩存卷第二

閩侯曾克崙

奮孔才

劫塵看變滅世運有虧盈
亂定身猶在傷多淚忍傾
寒宵歸夢短獨夜旅魂驚
起坐搖鐙影哀笳滿鳳城

南國千家哭西戎萬騎馳
山河聊指誓道路莽流離
短什悲秋意高樓送別時
浩歌流涕盡甯敢哭其私

亂極難言治貧餘厭說愁
自澆肝肺熱未解稻梁謀
深慮都成悔卑官豈足羞
大羣淪末化爛醉莫須憂

仲弟還蜀次杜均贈行

天地兵戈滿汝行胡向西椎心如欲語執手不成啼劫
后叢榛莽歸休覓藿藜廿年艱此別吾意獨淒迷

庭闈笑口開仲也汝歸來未改青衿舊空驚白髮催浮
雲連玉壘落日望金臺骨肉何年聚長貧劇痛哉

江湖莽空闊離散復西東耗矣神州禍艱哉蜀道通回
颿蹴驚浪孤劍拂長風秋老如相憶摩天看塞鴻

憶弟用姚叔節范伯子酬唱詩均

苦雨寒鐙鎮無聊歸心夢逐長江水奈此孤憂欲碎何
聊復吐向詩篇裏茫茫六合誰相親紛紛萬族吾當仁
道術嗟爲天下裂囂然詎足識吾真豈知骨肉根無極

甘辛相喻非無人兩馬並行超遠道逸情駿發兼能馴
七年共踏神京雪勞生萬事在求闕物貴從知索米艱
相對無言真欲絕袖手終悲日月閑乘風可待江流歇
江流到海不知年巫山縹緲橫嵐烟羣峯萬態弄江水
落日一去縣天邊丈夫豈合窮愁死拂衣自咤孤舟起
帶甲乾坤旅鬢稀驚濤直送五千里恨我不聞語笑聲
知君氣蓋武陽城團圞明月家人共烏乎天地骨肉情
奉觴首爲高堂道女嫁男婚慎勿早孫子繩繩可若何
眼看萬代歸一掃累重如山誰汝憐萬卷終難博一錢
忍見啼號達昏曉空餘悲閔窮人天混茫一世無南北

覆車千載循茲轍槎枒連朝生肺肝荆榛何地開阡陌
所志平生矢報劉微軀外此復奚求但令文章能照世
名聲祿位皆悠悠回頭卻望別時路莽蕩幽燕萬里霧
甯我獨無歸省心頭顱兀兀嗟如故眼暗鐙昏寄子書
書中詞句屑瓊琚浩氣縱橫馳八極神爲風馬雲爲車
雲車風馬君勿惑且持歌誦歡庭閭君不聞九萬扶搖
莽蒼各有適何事風雨彭城苦相憶
遊西山
夕陽吞亂山衆峯幻危綠天高暮靄逼繁星紛燦簇捫
葛試攀登徑亂羊腸曲千態萬迴旋勢若轉轡輓玄冥

蹲其巔元氣實其腹開闢幾何年曲折苦未熟夜虛萬
松靜雲氣時斷續神京莽迴護裂眚恣眇矚層霄散輕
霧孤月皎如浴寒城傳哀笳雉堞互起伏何來波濤吼
峭壁掛寒瀑翻空勢若飛琤琤戛鳴玉初勢疑黏天末
流瞬及麓出處泯高下誰爲判清濁它日成山邱當年
皆華屋廢興有乘除世事如轉轂幕席此地天甯用勤
卜築松根抱明月一夢頽然足神遊極八荒世網詎能
束髮又此未斑鬢不見曉星朝武嶽好登臨
秋懷
長嘯四山秋縱意萬態暝郊原霜露積羣卉失芳潤商

公一
三
颺爾何來萬馬疑突陣所惜歲寒姿凌厲獨與競剛腸
難爲熱餘灰亦向燼焉知烈士胸猶可六合孕繫茲將
斷髮及此未斑鬢不見楚重瞳沉船破釜餓

露重月轉清孤蹤寄僧院微涼逼深宵骨瘦不成顫神
功竟反覆風雲忽遞變窺簾韻猶新恍失素娥面九霄
恣游嬉萬方病瞑眩忍令不死藥高居快獨嚙鼈柱看
將傾鷄肋復何戀書生雖無能草檄尙餘硯
沸天亂哀吹不復辨宮徵曠野莽痍瘡傷重難爲起登
臨空掩涕絕歎山川美秋江澄落日巫峯凝暮紫歸夢
墮層波意逐孤舟駛平生輪囷抱掬水擬一洗豈意日

月光終晦層霧裏詩成憤未宣餘意欲裂紙感嘆復何
言行看乾坤毀遽然一夢醒絕笑槐安蟻

歲闌次坡均三首

歲闌俗來催物微意足佐應節聊致需情重寧論貨遭
亂念每摧資生事亦大乞米無贏糧閉門擬高卧搥戶
意餽貧索逋忽盈座已悲蛇赴穴尙欠蟻旋磨無術息
勞生反畏佳節過此意甯獨知一倡來百和
別意積苦多窮年送恨遲外家覓梨栗舊夢渺莫追旅
況看漸非憂患知無涯家宴豈不歡終嗟非兒時阿舅
忽我招酒美魚復肥博塞相與嬉蕭然散千悲爛醉吾

公二
四
猶堪深杯罰敢辭一笑顧所親顏鬢差未衰

神州試橫睇歲歲騰龍蛇舊運苟不遷劫火誰能遮相
守意已癡莫挽當奈何豈合亂離身而事兒童譁興闌
吾且歸馬策試一撾斷句索苦艱醉墨欵以斜飛騰縱
有時歲月已蹉跎孤抱託千秋時名安足誇

陶公懷古田舍二首次均追和

平生志隴畝宿抱苦未踐浩劫看漸來流離知誰免感
此傷民艱萬古試一緬作息安所天耦耕豈不善安知
迫吾生黃農去已遠無徑甯論荒有田詎能返惜哉避
世翁歷世猶苦淺

不均聖所患所患乃非貧半飽猶苦艱力作亦已勤輟
耕坐太息隴畝甯無人廣漠來薰風生理忽告新雨澤
雖未滋向榮意自欣溺沮與爲羣望古欣知津富教得
所宗何用誇乞鄰還淳貴循本勗哉吾天民
丁卯三月十三日遐庵先生招集北海展上巳分均得

過字

人生百年一刹那更堪萬劫迴環過不有高文感異代
芳辰一去當如何尙書憂國託孤抱逸興獨發從巖阿
重借餘春展禊集鬢絲十載嗟漸皤羣賢少長咸來會
玄言勝賞紛條科不須勝地覓山陰直教氣類還永和

太液迴瀾自清泚瓊華弄景猶峨嵯露盤好與乞金仙
荆棘何用悲銅駝酒酣神嶽起四顧怒濤驚涌千蛟鼉
睽目甜舌各有噬眞成浩劫淪脩羅障海迴天豈無意
九關虎豹誰能訶不借勝地續暫歡更從何地賡微哦
憂患餘生天所造諸公可復傷蹉跎回首萬方痛沉陸
寧當一序擬臨河戮力神州共推挽或爲末造已癘瘥
就令不祥艱驟被吾曹精爽終不磨傳之千秋遞萬紀
應有感發爲摩挲憂樂微生感漸多興亡俯仰賸悲歌
橫流滿地吾安往悵絕閑鷗萬里波
浴佛日遐庵先生招集南海賞花賦呈四首

大化遞推遷羣材與消長煦育得所滋恢明動昭曠石
林當代彥高居籠萬象振翮八極歸臨風結遐想玄悒
同軌篇並世信無兩娟娟上林華獨坐愁孤賞佳招集
羣彥清游絕塵鞅青雲騰九霄逸情看俱上大海臨前
庭極蹤試不往日車信可浴橫流徒泱泩外葳蕤藤蘿
突兀聳危空斷碧絢晴霞曲廓極迴合水石相要遮禁
籟雖漸荒卉木猶足誇運去物自華大哉生無涯芳風
被郊甸藤蔓紛交加國豔雖就萎藤蘿亦已花垂梢自
葳蕤蟠屈疑龍拏焉知南服卉怒茁方騰葩代謝等逝
波散聚亦搏沙託物得暫歡何用長咨嗟狼胥勒燕然

近惜眾衣軒少指勝軒漕漕何用尋杏製好與乞金仙
 蕪蝶融風瑛蕭琴烹吟南眼喪愁萬式翻萌升攜琴遊
 好咬回蕪蔓餘交吐園趨艷涼菱蕪藤衣日芥垂餅自
 藥艸滿景卉木餘只結數去醉自華大結坐無我茂風
 突兀聳空空瀾響餘翻雲曲瀾蘇歐合木石眩要數禁
 與蘇蠟結一卦日車計回谷蘇蘇卦此符末造已癘瘥
 擊空壽蕪蘇壘蟬青雲翻火霄幾卦香身土大蘇調前
 同薄蠶並世計無兩散散土林華斷坐愁旅賞卦陸某
 林當升為高吾籛萬鬼蘇隔人蘇龍翻風蘇蘇蘇文計
 大外蘇蘇蘇蘇林與籛具煦育軒視蘇蘇明博留觀百

黑龍潭用老杜蕙蘭詩均

長嘯詎盡哀暫蟄敢終晦騰蹕溟渤姿蟠屈湫潭內逸
響振幽棲微陽澹輕靄輪挾狂飈馳徑轉蒼崖大到門
綠在地叢篁靜吾對透迤迤迴闌楯趵突異澹澗冷光浸
沉壁圓碧不可碎鑑景萬妍媸大宇寧能外葳蕤藤蘿
花高簇疑縣旆微馨澹層巒斷蕊浮淺瀨境幽艱久淹
歸轡促朋輩烏乎窅冥居神異天下最風雲信可期變
化極無礙雷雨奮何時願言俟際會
題涵負樓用山谷松風閣詩均
腹能匯海納百川足無立地插一椽欲登狼胥勒燕然

提兵渤海知何年義皇邈矣思葛天焦桐神往薰風絃
紛紛四海飲狂泉扶持舜禹徒爲賢萬靈風雨集几筵
黃河白日孤光縣我來一笑坐青氈眼看奔瀑鳴潺湲
斷霞幽澗山花妍落英垂露堪粥餽蒼茫六合迷烽煙
安能嘯傲棲林泉何必風雲騰我前樓頭晝護蛟龍眠
一聲破壁雲雷纏塵鞿世網不吾攀乾坤好與重斡旋
落花次弢庵均
幾番開落暮春時一例興亡接所悲文采賸能留豔大
繁華何用怨醒遲飛騰逐逐層霄傍飄墜紛紛四海知
莫倚枝柯際天地試從柯爛與觀棋

塵沙九陌枉猖狂飄散何曾損故芳豈謂摧殘關宿業
更堪零落看終場山河故國空垂涕風雨高樓且命觴
滿地殘英如可擷好留芳潤漱肝腸
不疑過眼色成空掃蕩難禁八極風魂返枉期隨夢蝶
劫餘莫漫誚沙蟲孤鸞舞鏡春將老么鳳臨窗曲易終
何必來春思爛漫祇應歸作采芝翁
一去韶光未可留賸飄殘蕊寄枝頭極呼后土知何補
欲逐前溪不自由養豔曾聞張錦幔酬恩倘擬墜珠樓
名花身世終堪羨底事春歸怨不休
書先妣事略後

公二
灑血陳哀寧述德傷心永憾話承歡家貧骨肉凋摧易
世降文章痛哭難九死餘生神惘惘一棺萬里路漫漫
微時阡表憑誰識祇合孤兒掩淚看

丁卯中秋飲舅氏家表弟秉益新自海西至痛飲盡歡
而乘醉泛月北海醉舟不進李大歸川至自閩不數日
而適亦盪舟其間聞聲相呼求繫挽得登岸加子自舅
氏家歸月色甚朗而吾離家已八載高堂弟妹散處
各天一方引杯醉歌知念吾甚至而吾乃阻于戈衣
食不得歸省奉一觴博堂上歡笑而知交淪離亂其
遇甚於吾者又不知凡幾而暴骨沙場者又孰無父

母妻子可念驅遣殺戮徒以供一二人權勢之圖曾
不顧萬家悲怨之無極感念古今萬感縈集不知涕
之何從也范伯子先生次高季迪張校理宅翫月均
益高因亦次一首寄上大人弟妹呈舅氏兼示朋好
焉

茫茫何物爲蔚藍幻此海水橫煙嵐天高沉醉問不得
人間大月應同探姮娥顧我忽笑視雙鬢一謫看成鬢
焉知微生鬱奇抱上下天海相濡涵渾淪滉漾納光景
茫然此境誰當參大地河山正破碎刹那幻景寧足貪
卻笑一星萬世界佛說粒粒當空嵌何哉微塵擬國土

猶聞爭奪起
詰誦着我爲人於茲世豈合老作詩書蟬
大千朗澈意有會極思抱月棲禪龕漲海沉沉莽無極
終成無地尋茅庵月窟瀛壖蹴踏返眼中壽骨真杞枿
長嘯劃波星斗碎蛟龍影寂森寒潭白也騎鯨發大叫
橫波來自南海南尋聲顧視雜嘲弄橫斜偃仰嗤眠蠶
糟醕啜哺世猶競地天席幕吾何慚世間萬事容撥置
朋友性命平生就合眼江湖怨淪散長夜不得爲深談
解醒何物足稱意翻然三峽思霜柑風雨晦明視汝月
十度猶能圓二二團圞一觴尙吾靳彌天酒淚知難含
腸迴輪周共萬轉欲追月御停征驂嗟汝一歸吾未老

高堂白髮非所堪歡笑飄零各有慨此味何只吾曹諳
夜深月寒白骨動沙場森立皆奇男胡塵中原亦何辨
深閨好夢仍同甘夢醒月落望不返九州哀怨何時戡

安得揚輝蕩塵垢萬家咸荷功施覃一歡來歲得慰藉
痛飲倘視今宵酣何用水天明鏡裏長對樹影垂毵毵

李歸川別三年矣頃至自閩奔其族祖星治先生喪行

賦將歸娶贈詩二章將意

暫離每致思提心常在口倘令終日對誰能長相守所
以超世士分道踔九有劫后一相攜彌知別味厚卓哉
吾李子豪氣溢戶牖八極遍痍瘡待汝掃已久何事役

象胥老作詩書偶荷戈負長戟發憤遂西走昔歲戰黃
村勇發何糾糾訛傳折足傷驚痛一回首吾仲夙厚君
於時亦困守小靖遂南歸非只省父母書來每君及歸
川今在不淼淼蜀江波濫灑環其紐莽莽大漠雲太行
伏其右望弟久不來甚恐成老醜萬死竟還君警痛重
握手亂餘俸苦薄具醉艱貫酒賸此十日留一歡何能
后欲言苦無緒狂歌且擊缶馳書急報弟橫斜亂蛇虯
醉起視茫茫汝我知誰某精誠以相期萬劫同不朽
觥觥望都李吾祖夙推服謬許文字知愛我亦已篤堂
堂障川方平生吾弟畜才氣逸老蒼論鬢正慘綠曩聞

伯陽化驚淚迸簌簌事羈阻奔弔隱痛實在腹何期間
大笑翩來方生躅謂友吾歸川到此期可矚二子意氣
親相知非吾速何哉精魄通茫然吾未覺失喜呼極歡
道故態復肅爲言族祖逝北來淚一掬行復南歸娶新
人真如玉丈夫生亂世所患已局促何堪迫妻子此意
真太毒君歸母未老慰意嬾又淑畢姻行去鄉蹕蹙誰
能局豈知吾聘嬾所遭正爾酷拔拯與北來吾親計爛
熟翻恐來日難道途况未復悄然送君去歸步餘躑躅
海波遠漲天花光爛盈屋同心當何將故園有黃菊主

上海藏先生

與諸友賦平心
同符
天
以
詩

蹈海歸來誰與語孤抱平生寄何許彌天幽憤以詩鳴
健筆精思自高舉門戶附依吾無取鄉邦文獻知誰主
忽聞晞髮咽歌聲欲上西臺拜皋羽
微生所志詎飽暖眼中忍見啼號滿欲從叔季挺雄豪
權以枝官寄疏散浴血乾坤幾闔開餘生風木鬱孤哀
百年道教扶持際倘爲揚幽一費才

頌橘廬詩存卷第一終
大矣爾來式主
頌橘廬詩存卷第一終
頌橘廬詩存卷第一終

頌橘廬詩存卷第三

閩侯曾克崙而合效愚謬
孔才生女有詩次均奉和

萬彙判陽陰得時斯爲寶形氣秉偶殊何須問蒼昊舊
俗重生男所期能跨竈生女畏貽羅祇合閨中老海通
世驟進變革實不小豈合雌而英長甘伏以槁蠻鞞何
登登蓬髮何草草騰超意絕熹險巖曹未曉遂令父母
心變色走相弔斂肆艱折中無生信爲好嗟此萬口詆
舊典胡不考不聞金輪帝臣妾足億兆不聞秦將軍風
雷資叱嘯徵今旣飶聞於古例非少運會與遷移賦予

豈顛倒丈夫迫室家世亂艱一飽分半得卸肩已幸不
吾擾又况妖霧橫太陰亦失曜欲剽凶蟆復尤待麻姑
爪靈苗降自天秀苗挺其表合家動千歡子胡鬱孤悼
萬族日凌夷吾儕幸暫保后顧極茫茫來日誰復料正
當慎寒饑調護得其要縣知周晬日解語益姣好千金
買無愁顧弄有餘樂生事亦區區何用縈懷抱

重九北海登高

莊生卻曲愁迷陽屈子臨睨悲故鄉吾生二子后恨晚
獨以孤抱相翱翔堂堂毛翮亦殊異胡爲官舍成羈縻
佳節忽臨如釋繫高峯獨立恣所望山川盤鬱足迴護

何來慘澹兵塵黃牙角九關拔虎豹風雲八極驂鸞皇
登高稅駕當安適海天煙霧橫蒼蒼呼吸秋氣與激盪
鼓我萬怪槎枒腸

其二

玄黃戰血凝陰陽腥風霧雨迷江鄉地折天崩亦何事
恣此羣醜爭搏翔人生縱意本天賦胡以離亂爲之縉
蒼天未死吾不信白骨蓋地胡相望一哀沉沉白日逝
千年漭漭河流黃眼中唐虞竟何物況論漢武兼秦皇
拔劍騰空聊復罷余愁莽莽天蒼蒼蠻蝸角觸亦細事
安能蝨我蛟螭腸

贈翁銅士

桐城教我爲文字要以橫絕發雄姿吾文廢墮久不進
君書兀傲乃益奇洞庭揚波衡嶽高星翻斗晦熊虎哮
纓冠被髮救不得獨以健筆驅驚濤風霆入腕啼山鬼
雄虺九首藏厥尾學仙得道將何餐玉盤森動蛟螭醢
印如外妹十五歲生日舅氏治杯召飲因以吳芝瑛書
楞嚴經卷子爲贈

古禮重加笄佳日值初度亭亭芳絜姿豈不以質故纂
組旣工絕餘事亦咏絮貧居共一觴天倫自饒趣汝姑
我先母萬里未歸墓欲誓向何方痛餘還自怖弟妹念

外家意敢忘將護福慧祝汝增寫經或一助吳書天下
道精整絕謬誤大乘況可聞誰當惜縑素臨摹信有時
玄言應自悟何能僅汝期筆精冠時步
鯤鵬篇用十賄全均
鯤鵬振南溟蛟鼉窟左海精怪所奔趨人文於斯在茫
茫造化機陰陽坐相待槎枒聳肺肝突兀爲領頰嶙峋
露骨幹青碧儼髯髮萬態幻千形風雲日變改或燦若
金葩繁枝茁玉蕾或瀉如懸瀑高浪激碗礪或怒若蹲
師拳毛霜雪睨或淡若遠峯淺黛益幽塏砥礪映棱角
遏蔽蘊光彩淵含見渟滄壁立聳嶼隗輪囷蟠老幹葱

舊抽新筴鏗鏘鳴石金晶瑩轉珠琲發露此奇靈翩翩
橫俊采漢魏望非遙班蔡追不怠江夏譽無雙倏忽挺
雙蓓卻笑明清來坐被袁吳給造句祇餽釘砌典疑砢
礫有若歸方徒奮起窺千載臃腫雖決瘦堅瘦亦病癩
非不志騰超偃蹇等駑駘非不勤磨瑩一拂嗟敗樞非
不具形似轉動則傀儡蝕腐無足珍乃欲擬商鼎苦澆
無足餐乃復號特乃真氣無復存乃欲起尫尫筋骨無
所麗乃欲健腰骸疾痛論斯文膏肓非痲瘡淵淵發大
聲突突被堅鎧皎皎揭曜靈騰騰挾真宰氣若怒潮奔
一奮忽百倍廓清極掃蕩誓將洗庸猥可堪豺虎橫鳳

麟日就餒到眼皆瘕瘡填胸積磊砢神州試窮睇千痛
無一愷豈憚肆征伐自殘忍執鋤豈憚奮口舌恐被羣
兒詒天衢若可超舉足愁萎腰雲門若可奏沸耳皆猥
歛旁皇岐路間焦思每成顛回頭望學津茫然艱測灌
要使元氣實那畏橫流浼意境必精微骨幹必螺礪袞
譏自有權利勢寧能賄乃知文字海道德爲源匯何哉
儷散分爭議起每每言偶遂忘奇知子乃遺玄豈知虞
夏書巍乎峙歸罪大易炫神奇玄黃極藻綵葩經麗以
則形容賦崔嵬騷些述怨哀芳椒雜蘭芷下逮揚馬作
賦頌何燦瓘所貴聖者徒博搜肆旁采自將龍虎氣獨

調蛟螭醢大冶若能鎔小知何足臯但恐儒冠溺詩書
詆敗鮫草昧噓精靈六籍惻將殆聖文振孔姬夷意屏
羌虜違俗信可哀抱蜀終不悔

月次杜老均

獨夜凌虛起孤光歷劫新升沈一身事哀樂九州人河
漢聊藏影風雲待轉輪戰場白骨在不忍向西秦
寒魄森羣動魚龍弄影清盈虧要有定顯晦亦難明天
地蒼茫感關河離合情團圞來歲事何必淚縱橫
八表驚懸壁三更欲滿弦沈沈初過海耿耿獨經天毒
霧南荒塞妖星北極縣廓清正需女莫便墮窮邊

晉卿先生大父丙戌會榜同歲生也余旅京八載未嘗
脩謁今秋弼庵太傅八十壽先生讀吾文亟問吾弼
庵具以對先生曰是蓋與吾有舊弼庵又以語余感
念知遇先人交好亦零落將盡矣而先生猶歸然獨
存爲北方老宿因晉謁先生旣嘉勵之余因有先妣
銘誄之請爲長歌上之

彌天兵氣塵揚堞抱蜀窮居誰識我室堂欲從姬孔升
門戶卻遭遷雄邏烏乎戰伐何時休六籍光芒日摧墮
眼中訶哭幾廢興發憤陳編意亦癉酣嬉遊戲寄斯文
敢效灌夫時罵座黃雲莽莽高接天玉關萬柳垂青瑣

先生款段作屏藩早有功名壓牧頰吐吞奇氣出幽并
高文一代闢淫詖胡顧吾筆發咤嘯卻以璵璠擬涕唾
風雅導揚夙所欽名聲銜襮吾知叵三世石交信可繼
應有石言攻吾過廉吏可爲心不悔公言吾祖計非左
極困必亨澤斯遠及身何論磨蝸坐清激閩江水嗚咽
綠雲蔭覆竹万个巉巉白石齒清波挺挺孤標茁奇筍
烏乎吾母實視此冰蘂雪霜爲礪磋百年化去不移時
舉世紛逐將以裸人生立節貫地天文字表章亦細麼
泯湮倘令久無聞風世扶衰將何可况我萬里傷宦遊
將母不遑痛成哆欲鐫金石述艱貞位業名聲嗟非大



平生並世吾荆公銘詩排鼻極帖妥森然奮筆出雄篇
橫流大海應知柁更聞三島有儒生忍淚典墳就摧挫
獨徵哲匠繼河間流略羣儒與研磨賤子不學固有以
敢向洪都論述作閒曹鬱鬱成情荒高歌況不救寒餓
聖文域中看垂絕海外終思綿螺羸驥尾末光倘許附
要道微傳敢辭荷不聞蓋世謫仙人薦舉猶煩四明賀
遐庵先生屬題遐庵夢憶圖

桂堂孤永夕獨醒有沈哀風雨潛龍嘯江湖啼雁猜彌
天填磔砢入夢泣瓊瑰一枕遊仙去荒筓莫浪催

淒絕哀蟬曲翻成嘆鳳歌星河人縹緲仙闕夢嵯峨歷

頌三
六
歷三生在騰騰萬念過
閔悲意何着吾欲問維摩

八極翻飛裏何方是去鄉
先鳴恨鷓鴣宵駕戒鸞皇
玉女初辭佩麻姑已種桑
情天回首處孕劫正茫茫

一代興亡地昆明試桂艫
春歸黯湖水歲晚卧滄江
翠幕低銀榜瑤池做綺窗
前遊飛夢返愁絕對昏釭

埋骨西山畔荒壟發故馨
紫烟橫夜月紅淚化秋星
松氣沉沉靜梨雲淡淡冥
鐫恩凝魄意伐石自書銘

香象沉冥對靈犀恍惚通
鮫綃曳冰霧總帳擁靈風
身世艱危際神光離合中
彌綸無盡思好與絡鴻濛

出世成低笑凝思識宿因
空山飛斷瀑滄海漾微塵
切



利三千界華鬢億萬身瑤光奪席去覓影定誰真
疏雨重簾隔愁聽斷續簫簫積哀融臏馥影痛入生綃畫
手嗟淪落詩心久鬱陶更堪寒日下九土亦蕭條

靄霧神京塞煙濤島國寒倉皇獨來往飄散自闌珊玉
軸歸裝易珠宮返魄難何由寄芳惻珍重碧琅玕

慘惻尋常語茫茫幽窈思孤哀鄰水繪長恨繞須彌文
字無窮相人天隔世期華嚴清淨想念念好扶持

雪次北江師均

酣嬉忽亂羣兒鬩彼蒼訝屑瓊瑤貢迷空蓋地勢初嚴
雕虎鐫獅隨所弄初從塗抹肆酣嬉轉眼跌傾出號慟



成虧銷住本無常底事奔趨極恣億九閻帝所鬱峨嵯
瓊闕琳宮倉黃凍翩翩翻舞萬玉妃飄曳天衣疑無縫
雲裳縞珮駕飛鸞素管冰綃擁銀鳳隨風體態何婀娜
液池天半紛來降卻凝圓鏡試冰嬉顛倒歡娛真忘恐
深顰淺笑釀溫風峭寒玉骨寧能中長安哀樂幾豪雄
獨我閉門坐窮巷小團蒼壁點飛花且甘舌本肆嘲諷
肺肝欲教出品光骨幹故應極磨礪坎壈宙合信能平
不信獨窮未教送層冰觸地地維動天柱將傾要梁棟
摩挲松柏世難期支拄危艱誰與共茫茫春氣迴虞淵
欲叱日車迓羲仲忽驚照眼有新篇熊熊孤光鬱深衷

玉塵橘戲賭瀛洲九斛播揚沉埋衆張目何須語夏蟲
倒頭但可發春甕酒酣迸淚憂思來飛揚跋扈誰發縱
天公遊戲信足誇九土淒迷安從控絕憐海角作癡兒
沉酣猶作鈞天夢

上昫谷先生

長安聲利窟念我幾師友帶索行浩歌乃復見雲叟往
居番禺幕接席故未久示我咏蟬篇高格逼韋柳於時
亦弄筆詩成慚出手公胡發嘯詫謂此當冠首詩禪一
世豪用意故不苟我詩豈能工感激在善誘獨謠不成
籟衆狂知誰噉素王業將絕玄文空復守遇窮氣彌厲

道在世敢朽持此以窮年庶以酬相厚

西山環百里斷嶺連危岡珠簾浮落日雲氣何蒼茫往
誦散原詩萬態已具詳間公復語我故居在其陽高人
與世絕棲隱當何方賸此清淨地投老堪徜徉鸞鳳日
以饑豺虎日以狂欲行不得歸語我輒自傷相慰苦無
耑寸念千旁皇吾系出南豐西江實故鄉繼業知不勝
養拙或所長何當從陶公高原偕種桑

薦舉雖不售強聒至三四於公亦常耳聞者足驚異公
學實超物老至尙不試我劣何足言擯斥何能懟問公
所挾何又况非利勢微官冗可刪傲骨世所忌昔歲託

郵曹孤立吾何恃一老挺桐城奮起排衆議留我遂至
今感念每流涕何意顛危交復此見風義潛龍象可占
腐鼠寧所冀絕笑向世兒吾屬有冥契大哉惡術且刊
張季直誠子詩有兒所不及父正坐苦不足語悵然有

感次其均爲三詩自勵云爾

萬族日凌夷而我茁其間六籍日荒廢而我恣所觀少
小極縱肆不識險與艱世途略涉歷觸眼皆憂患日出
登東皋仰睇天宇寬衆草忽浮綠春來嗟無端一噫發
其氣萬物得所官乃知造化力泯然絕諛訕仙山極迢
遞瑤草紛萌菅何當從此逝輕舉不復還烏乎世網深

公三
九
解脫良獨難

精誠能感通時地無遠近微學苟得真薪火傳不盡千
聖望非遙四海放皆準吾生少雖困壯翮故未損浮海
乘長風落日孤帆穩一奮志欲飛轉顧境何窘豈無同
姓達尊俎司其柄欲陳且復咽極呼甯汝省乃知乘時
彥揣末貴遺本譬彼行遠車得輻遂棄軫厄汝乃汝福
念此當釋忿恍惚大道間周孔爲吾引不且言對然有
名位得過早實非少年福豈惟阻精進天道惡滿足吁
嗟大父母此意夙我屬時饑哺我糜時寒厚我服抱弄
顧復恩宛宛出心曲童稚值承平跳盪有餘樂焉知甘

載間歷此喪亂篤惻然傷肺肝慚言出頭角冥冥呼不
聞吾痛寧足錄盛業苟有就下位詎爲辱不見大海闌
摩天有黃鵠日遊冥關將外殺夢在笑騰林苔奈愁何
和孔才
大萬炎羲胄倉皇何處家赤飈營北振白日海西斜野
哭寒孤月頽垣聳斷霞人間悽惻意忍與問黃花
披衣中夜起斷夢警哀吹大野癡龍戰孤城病馬疲詩
成神鬼泣道大地天卑絕俗逍遙去何堪老馬羈
童童桑蓋地今復挺孤松兼月危城守迷天伏甲東積
骸橫野斷回首陣雲空戰伐尋常事歡呼涕笑中

幽井形勢地豪桀委荒田殘骨纏荒蔓羈魂幻野煙深
淵方墜日孤抱孰迴天遺子知何往沉吟一愴然東
萬牲園海棠

春晝騰騰未易闌人間絕豔幾回看四天晴霧烘顏色
萬劫溫磨鑄肺肝銅輦事過神惘惘玉闌衣薄珮珊珊
歸車夢逐巫峯去腸斷城西一睇歡

扶醉名園恣獨哦粉光脂暈影橫波生愁雲豔年年改
欲叱雷聲日日過瓊闕桃花餘夢在芳洲杜若奈愁何
眼波欲伺何由伺惆悵當筵宛轉歌

頌橘廬詩存卷第三終

頌橘廬詩存卷第四

閩侯曾克崙

將出都別親友

倉黃四野動哀笳
慚對春風拂鬢華
天地沉冥嗟漸老
陰陽搏轉竟何差
孤舟蜀峽歸心疾
落日神京暮色加
別矣朋交莫惆悵
丈夫生事故無涯
呈北江遐庵昀谷先生

本師贈我行賜我書盈束
府主餽我金期我為孫復西
江昀谷叟惠我詩盈幅
我親及我故別我意何篤
問我返何時三月期不速
吾生竄戀別暫離額猶蹙
况茲萬

里行熱淚忍辭日蜀山春漾青蜀水春浮綠春風送我
歸此意苦未足白髮六十親念我意殊酷我弟復我妹
屢書復我促爲言外大母盼孫淚盈握更有吾聘婦遇
遭抑何毒茫然天倫恩宛轉縈心曲況聞神京禍燒燄
等殘燭八年京國居忍見陵爲谷悵然出都去誰堪長
此局所謀苟有成吾諾應未宿何用長相思念我日往
復

三年居京曹閒官實逐隊微名終何償辛苦飽世味憶
吾始受學所懷已絕類相彼趨時徒未發已內媿豈無
域中豪薦我至數四運舛意多違惟餘知己淚乾坤尙

瘡痍江湖痛潛沸道路阻兵戈欲行苦未遂冥冥大海
波魚龍極幻戲茫茫揚子江波濤接天際盜發夔巫間
出沒弄神鬼涼涼攜一身踽踽行萬里豈伊負重姿奮
發無所忌於戲杜陵叟稷契身自比麻鞋走潼關所餘
但悲涕北征有巨篇奉先五百字歌哭繫生民元音實
震世吾少誦斯篇發憤每歎歔縱迹念孤生沈憂雜凋
瘵蜀山自雄奇吾懷自沉毅萬態入孤吟往矣吾何畏
舟次大沽

津海千年一水通沉沉冥漲接天風
艖艫馳逐波初大
星斗迷離月正中北望何堪纏寇盜
南來莫擬志英雄

危闌獨凭知何待認取晶窗海日紅

渡黑水洋

夜氣沈沈水鬱蒼南歸北客意茫茫寧知滄海成何世
欲認寥天作去鄉刻畫鬼神供戲笑咨嗟傭保話興亡
科頭跣足橫波去一枕何分上下牀念為主為客憂難斷

海

百國爭馳逐萬靈恣吐吞荒荒蒸日氣渺渺界天痕波
長神逾王瀾迴道自尊倉皇獨歸客縣夢望中原
慘澹猶飈發荒茫宿霧收萬流看盪激一氣與沉浮異
境誰能擬神山豈待求平生聞佛說變滅本浮漚

驚浪馳玄鰐靈風舞翠虬寥空沉夜氣孤月鎮橫流洶
涌聲彌壯縱橫志未酬填胸憂樂意莫漫語閑鷗

抵滬

駕海初成客申江漾好春萬方多難日十載一歸人江
水蒸詩思鶯花笑戰塵舉杯成獨酌何敢負芳辰

呈麋園先生

劫后重親老鶴姿時危真見鬢成絲扶持大廈資梁棟
翕闢洪機鑄怪奇江海一收流始大雲雷百變意何之
絕憐憂國迴天抱獨坐孤吟說向誰

落拓京華百不成歸帆遙指蜀江清縣知滄海終無極

公四
三
賸挾春風壯此行
娶婦聊從承色笑
感知何只說名聲
長江一水秋逾壯
倘使源瀾得少橫

舟過通州

當年張范蜚聲地
壯歲吾方過此行
入眼狼山迷霧去
逼胸蜃氣趁潮生
詩書未必灰終燼
鋤棘微聞禍漸成
荷鍤執經兩無似
危闌孤倚淚縱橫

過南京次大父均

無主江山起霸才
漫天風雨逐人來
鶯飛草長春三月
鳳去臺空事幾回
車馬北征收落日
滄溟東望起驚雷
乘飈不住非無意
忍撥南都劫后灰

發重慶途中雜詩

夜雨勢未已朝煙猶迷濛萬山莽煙雨吾行當其中野
田羅萬畝到眼禾黍豐密竹拂低枝叢柏何鬱葱萬態
浴新碧和以炊煙濃欣賞未及已烏犍橫我東荷蓑三
數輩插秧方鞠躬斯事真可欣甯復貪天功何當棄宦
服長揖辭歸農

徑逼危峯轉雨逐天風落密箐籠蒼煙冥然霧四合上
攀百丈梯下臨萬丈壑伏流瀉縣瀑聲急道又滑輿夫
何壯佼訶呼相應畚路盡林始開欣然見剴豁蜀山夙
雄奇蜀俗獎豪猾何當一翦除隱秀爲啓發陳詞孰見

聽悵然懷諸葛

簷間聞淅瀝夜雨已可厭朝發茶店子荒霧塞未散山
高溪水急緣徑自奔竄流急禾漸披衣薄骨自顛山田
勢非卑水勢亦沒盪滴滴濺雨珠恍惚代血汗烏乎黃
農裔賦秉夙稱善智懸勞逸分富貧斯由判倘能遂厥
生勞極終無怨膏血擠無餘勢迫乃稱亂已亂誰能肩
俯仰餘獨歎

脩脩見廣道出郭廿里強體制信恢宏法度殊未講斷
田以爲道所積惟土壤雨深泥沒踝路絕迷還往俯瞰
魂欲摧愁絕艱一上竹密徑自紆灘高瀑聞響旣發復

返顧伏流勢何廣長松立危石高岸激猛浪照眼氣忽
新塵勞極掃盪

寸碧塞遙岑微徑莫辨識迷茫霧氣中一一猶歷歷須
臾朝暎上大干還本色近郭江聲喧繞岸密竹直危橋
橫石梁喚渡意何急平生煙艇意亟思理歸楫廿日苦
舟行就陸苦初釋焉知三日程腰脊痛無匹苦樂相乘
除豐嗇甯一律烏乎天下事何能皆汝適

過成都中學

惘惘微行徑未荒卻依鬢舍認門牆道游幸有君平在
悼逝初傳子政亡錦里弦歌看寂寂京華歲月去堂堂

墨池波漲微風起
賸覓當時一味涼

過賓萌公學

十年別意層層積
一夢童游惘惘過
回首友師俱寂寞
摩空花木尙婆娑
危時教學看諸弟
勝地徘徊付獨哦
橫舍陳經當日味
可憐誰與挽江河

贈臧伯堅

當年玉雪眼中人
執手驚看瘦鶴身
繞座叢篁引天籟
浸簾微雨媚雲顰
青山黑劫幾翻覆
烏帽黃塵各苦辛
廿載重逢遽分袂
層樓凝望獨傷神

化城寺拜大母殯宮旋同七弟江樓茗坐

崩肝古剝展幽局蛛網塵封積晦冥十載遠遊虛拜掃
一棺凝望渺神形蜀江勃涌孤孫淚閩海噫嗟列祖靈
徒跣何年扶舁返大書阡表鎮梅亭

酸風淒籟助哀鳴伏地偕來兩弟兄求仕名微寧足報
戀恩痛切欲無生望雲舊夢縣江閣過雨殘陽下錦城
莫更角聲愴邊郡中原正有夕烽明

杜公草堂

童稚娛嬉地茲來夢寐經叢篁幽曲徑溪水靜疎亭詩
卷堂堂在兵塵惻惻冥蕭森鳴萬籟如爲泣精靈

展拜偕羣季疲兵列隊呼瑠戈橫落日畫碣冷平蕪天

地哀吟久江湖客路孤平生念蹤迹灑泣獨踟躕

抵井研

莫煙危磴隱山城騰蹕欣看弱妹迎萬里歸來人已倦
十年飄轉意難平川原寂寂餘歌嘯親故茫茫幾死生
隱痛高堂嗟未釋夜闌杯酒淚縱橫

間關歸娶意何爲白髮衰親寤寐思抑鬱萬言艱一吐
荒唐末劫了千悲梧桐別殿沉冥憶蘭蕙當階掩抑姿
猶有十年殘夢在華鐙悄影紫琉璃

上六譯先生

孔壁金絲舊玄文玉牒新王皇攷今古大小界天人衛

道心逾壯陳經義漸申黃圖開一統儒術不無神
六譯推蕃變羣言恣闢通孤思接黃帝師說闡雷公莽
蕩天無外茫茫日在東閔儒元氣實好爲孕鴻濛
情天真易老白首看如新吉語能吾錫孤生氣益振攤
書經術大接坐酒杯親微意吾能識看傳火盡薪
期期看語笑炯炯湛神明聖解天能牖高名世孰京神
臯猶板蕩至道豈虧盈抱獨窮年老丘軻自送迎

上問琴先生

絕代輜軒揚子雲黃冠老去欲離羣舊聞齊整歸方乘
新徑荒茫闕典墳落落故交公尙在騰騰異說世彌紛

公四
正宗微學如當振才薄猶堪張一軍

勦蜀烽煙橫萬里倉黃省覲一歸來賸從耆舊論文獻
猶有詩歌託怨哀瓊島幾回纏夢寐草堂一望入蒿萊
秋高便叱孤舟起重向中原問霸才

上香宋先生

人生廣結交氣當籠宇宙會合苦難并時地每相圍吾
生嗟漸壯所學固未就惟此向道心責在敢自宥生長
錦官城才弱齒復幼十七武陽居未祛聞見陋弱冠劬
學年京華人文藪負笈遂北行所期接尊宿斯文桐城
學淵源得親受疑疑番禺公遇我良獨厚吾鄉石遺翁

西江昀谷叟文字相過從反復極討究抵掌論蜀賢屈指每公首豸冠諫諍姿實欲觸昏瞽運去拂衣歸淒然感朱味餘事肆訶詩驚痛鬱深秀道途阻且脩極思艱一覲翻恨昔鄰邑竟闕侍左右神京豺虎橫郊原麒麟鬪一官猶落拓變起甯能捄況我白髮親念我貌加瘦十年歸一省何只爲婚媾時危念每摧秋來行復驟平生願見誠急起吾敢后烏乎吾先妣畢世艱辛邁言遭先君喪自剄幾絕脰神迷志逾堅遇蹇節彌茂卅年忽告終萬里未歸匱釋服始歸奠終天獨心疚仰惟先生筆鸞皇出金奏碑板照四裔求者相輻輳吾聞蓋代筆

非可財賄購節義動地天奮筆始一構意氣萬夫雄文
字千古壽執贄一詩先倘復指其謬

發井研途中雜詩

輿夫奮步行客程每苦緩甯知行逾迅去親乃益遠荒
荒百里程起伏環疊巘攜婦復挈弟羣書爲之伴方吾
辭親時城郭幾微辨含痛遂登輿忍淚常在眼如何彼
穹蒼翻作雨潛潛天低日易昏道滑行益蹇而彼輿者
徒流汗敢辭喘回頭望吾親念我腸百轉某山復某巘
某水復某阪感此風雨急掩面應餘泣烏乎骨肉恩萬
里詎能限遠行苦饑驅南北忽分散逐逐步層巒惻惻

痛兵燹世難誰復捄行矣吾知勉

蘇東坡詩集卷之四

廿日下犍爲廿一過戎州吾家似愚子款我意至周飽
我青精飯宅我以危樓日夕復我語指點風物幽濤聲
叫秋江塔影蘸橫流遲船久未至駕言偕我游脩篁夾
複岸羅列山花稠一角山谷祠乃在山之陬危石聳崔
巍勢若蟠龍蚪裂罅盤磴道漸進若可猱峭厓恣睢眇
斷句窮冥搜曲水浮羽觴詠歌堪夷猶斷瀑流淙淙諸
峯蒼然浮奈何橫兵氣愁雲彌九州烏乎大千震變滅
本浮漚羣兒恣私鬪瞬息還見收恭維夫子操高絕無
與儔孝友百世宗詩筆窮雕鏤千載仰遺風每於文字

公四
九
求何意戎荒間復此遺蹟留極望徒增悲長謠詎盡憂
擲筆吾且歸置身將何謀

我心日以西我行日以東維舟發字水翩然凌長風江
水何滔滔瞬息失諸峯諸峯有時盡吾意何能窮計程
二千里二日猶從容如何次涪水兵氣塞玄穹持戟三
千士列隊來相從荷戈相交衛隙地艱一通夜半互叫
罵雜以濤聲洶凌晨爭渡去毛瑟復隆隆惟時吾偕弟
俯仰艱鞠躬呼飯甑已空轉顧鉞交胸雄談高中士出
語真由衷平時楊將軍遇我若微蟲事發起征調譽我
若羆熊塗我肝腦去博彼名位崇權勢日尊貴蒼赤罹

荒凶此曹擬優倡君視當勿同指點高家店山勢何葱
龍妖兵迫官租奮起帕首紅號召勢益大屢剿嗟無功
吾儕征調去所願誠亦宏生死誰復知疾隱真當通吾
聞天下定游食咸歸農商旅得所歸安從歌天工世亂
競爭奪百里遽傳烽厚斂恣重征一飯不得傭事急鋌
走險健者斯爲雄雲合遂霧集崩潰艱彌縫書生袖手
來四海聊寄蹤斧柯不我假何以起疲癯書罷仰天歎
煙江月空濛谷口吹風濤中間奔雷震劍戟盡塵埃
颺輪鼓急浪沉冥天地昏絕壁截高江巍然立夔門蒼
頑擬積鐵罅蒸雲氣奔石根裂驚浪劈若斧鑿痕想見

開闢初蟠結塞厚坤源出昆侖墟厥勢若建瓴苟惟恣
一洩汪洋失湘沅屈折爲頓束水迴諸峯屯危灘枕江
心與水相吐吞時於風濤中間作雷霆喧險哉濫瀕堆
惻然驚心魂猗歟吾先祖昔歲茲邑尊世易人已非所
餘遺愛存烏乎阿姨氏吾母之同根於是吾生婦舊事
難具論回首望灤西草堂聳丹垣畢生希杜公真愧審
言孫何當執大鈞潛淵鼓蛟鼉竭水斬巫祁一洗千歲
冤沉沉天宇晦兀兀塵劫溫煙鬟掠巫峯凝對終何言
登平都山言跡曾賦卽首於此益大巖風製無成
釋舟平躡萬山尖遊子光陰畏久淹妖霧危灘迷近郭

雲車鬼馬俯頽簷爛柯一局仙終渺玄關千年事至嚴
滿載芙蓉問江水沉淪誰與試鍼砭

題孔才令妹詩後

雅廢夷侵又一時窮年抱獨欲誰期卻持幽冀豪橫氣
併作人天窈窕姿浩浩古今非一體勞勞謔哭散千悲
鯨魚碧海垂綸罷好向荒江理釣絲

玉尺瑤函各自華續書斑管足名家龍蛇萬變歸淵默
麟鳳千秋了嘆嗟聖解要能開意境老師難與索疵瑕
寒窗袖手孤吟去易水蕭蕭日又斜

萬劫荒荒一刹過誰從陰教起頽波故家人物恢張易

公四
三
末世文章痛哭多
眼底風雲橫日角
夢中兵甲洗天河
櫂槍不動霓旌下
仙管瓊簫一曲謠

金支翠羽今何處
霞綺雲章散萬絲
自有芷蘭比芳潔
絕憐蕭艾尙離披
荒荒塵劫天難問
渺渺余懷世豈知
極目高邱愁萬疊
噫嗟吾道竟何之

世非一人天喪矣
姿容若昔古今非
一韻雙雙語哭蕭
干悲
紙魂夷野又一劫
樂羊其國必難保
其時與時與莫莫
跡辰
獸其下命赦請
遊難芙蓉問五
六武命精
頌橘廬詩存卷
弟四終
一昆山祭
之關
于平專
至

頌橘廬詩存卷第五書漲乘賸黃斜白不歸愁處每念

迴恐文章夫不於一變何當練 閩侯曾克端

抵南京 食罷憂然對日暮 遠騎歸程斷 林間世幾高 燈

碧垣白堊見新題 慘澹愁雲落日西 寒雨積陰泥滑滑

野塘蕪道草萋萋 鸞鳳泊嗟初倦 虎踞龍蟠望更迷

獨夜孤衾艱旅夢 更堪鶗鴂隔鄰啼

旅舍 愁策憑欄 歎林初 宿 歸 一 兩 星

亂鴉凍雀噪霜晨 推枕驚看獨醒身 起倚危闌人悄悄

卻尋斷夢影塵塵 料量末劫成孤笑 商略微懷恥衆顰

乞食南來成底事 眼中姬孔已難神

石子岡來風吹中散
石子岡頭草沒徑卻尋紋石上方亭日沈遠浦團雲紫
天著浮嵐幻嶺青匆匆六朝成夢寐荒荒九土闕精靈
疲驢緩策歌呼返林際初翻一兩星

用老杜送孔巢父均送迪庵南歸

騷人不樂幽并佳凌風去踏神山霧歸從新國詠湖山
行指故鄉覓江樹寒波翻白斷煙橫落日澄黃遠天暮
危樓一角指臺城極目蒼茫認歸路酒杯閱世賸高歌
政恐文章失正故一髮何當縣地天萬事真看隨電露
石遺老子神有餘羣書鄉乘親蒐除白下羈棲獨我念

竭來兩發閩江書君手斯篇乞揚摧問我詩境今誰如

次均迪庵豁蒙樓

朔氣荒荒孕積陰寒煙漠漠帶疏林蕪城自鬱巍我能
落日聊爲怨亂吟流轉九州吾視爾低徊六代古猶今
不須更作鷓鴣嘯旅雁南來有變音
城郭依微白下山孤飛看汝海東還清遊盡日終疑暫
結習吾曹詎易刪寒吹千林聲別恨殘陽一道影酡顏
何年一櫂江鄉去夜雨聞歌九曲灣
掃葉樓
掃葉人長往孤蹤未易方六州猶慘黷一徑暫清涼入

夢雲山遠開門草樹荒茫然復何念揮淚對蒼茫

春風蘇萬象獨客上高樓反復六朝夢荒茫萬古愁諸
峯沈日暮遠水接天流極目神州大哀筵未易收

飄零

飄零四海一羈人惆悵春風白下塵歷劫文章淪敝屣

憂時身世付勞薪聖邱於世終成往神禹生今亦豈神
獨有不貪真賞在夜闌望氣識金銀

已巳元日三十初度

末劫荒荒歷卅齡危途落落倚孤醒薊門煙樹纏魂紫
蜀峽溪山挂夢青何地孔顏論氣類各天揚馬鬱精靈

明霞一角蒼茫裏誰分吳江著客星

縣門弧矢憶年時宛馬西來萬騎馳兒戲何堪思宿昔
飄飛無那任狂癡藏山志業囊螢笑賃廡生涯幕燕知
猶有毗邪緣會在人天枕席徑過師

不成淪謫喪吾真牛斗生今抑豈神白日沉沉天此醉
赤燦爛爛爾何人填胸憂樂千家夢過眼興亡六代春
危局置棋誇國手可能長靖海東塵

白下諸峯侍几筵萬波搖碧一波前高堂白髮無窮思
幕府青衫最少年化裏鯤蜩忘小大劫殘猿鶴泯愚賢
行歌縱酒真吾事呵壁何須更問天

李青選招同曹飲於鼓樓飯店劉蕙農作長歌次均和

幕之

荒荒密雪壓天白列座高樓圍主客酣歌一曲秣陵春

滿坐咨嗟動顏色問子嘔心受誰賞逸情自託雲天上

絕憐嘔嘔項王仁印做摩挲猶在掌衣被長安要布裘

江山綺麗誰葺脩冰絲自作鮫人泣雲錦合待天孫收

平生寄意在寥廓塵海驚濤愁立腳沈陸何當挽萬牛

摩天故應橫一鶚幕府沈沈見君好豈謂詩書遂枯槁

能從文字契吾真翻自昔遊憶諸老石遺老子

叔伊人先生

中鵠自擁匹園萬竿竹枝柯蔚起拂雲霄戛擊鳴湍瀉

哀玉青眼高歌羅國士相知何必皆同里十年坐我春

風中低頭獨拜吳夫子

北江先生

薦舉孰饒古風者新建楊

翁由谷先生桐城馬

叔文先生

侃侃變色抵掌爭義憤填膺自傾

瀉葉侯

遐庵先生

處醉能獨醒鄭公

棗園先生

老去氣逾靜道揚

先路會書車記拔微生脫囊穎龍門浪高許騰躍相勗

千秋未爲薄汾陽太保

匏庵先生

吾世親酬我詩篇未零落

嗟予攜嬾三峽來茫茫六代噓寒灰一哀忽聞南郭喪

驚心忍向黃金臺閩江縹緲橫落日蜀山突兀騰煙霾

蒼生冤憤痛未已吾曹乞食詎當哀清夜高歌須縱酒

轉眼風煙恐分手何時偕探鄧尉梅宅年應憶白門柳

身世飄飛莫自憐
世間萬事本塵煙
何當一棹荒江去
覓夢空山不記年

畚庚白

居環白下山夢繞蜀江水
急峽截高江絕戀雄奇美
弱齡始北遊冥漲孤舟起
層層峯影連轉轉廳輪駛
十載舊京還宦味飽游子烏
乎橫流禍激盪未可已
關塞莽空闊交游幾生死
夫子綜道術所學非口耳
神思闢玄扃高視洞萬里
詩歌出餘技隱秀世無比
三復願執鞭何只刮目視

庚白贈詩次均奉畚

文章有道交有神嗟公遽乃識吾真詩家前輩看漸老
甯知世變今翻新語體時流競變古飄忽去若風中塵
出舊入新矜剗格公詩妙乃非常人勤持此意屢詔我
一笑斗室回溫春吁嗟詩好竟安用白甫甯救當時貧
論詩富庚白

孤抱吾曹寄何許箝結甯能恣汝語訶呼聊與共嬉酣
比似雞鳴動風雨眼中流輩多能詩十九句摹求字似
模成甫白縱萬千后有萬年甯須此新學小生極縱肆
絕惜問學僅口耳媿鄙復爲耆宿嗤詠歎無復聲音美
交譏交喪詩恐亡一綫垂絕險莫比誰歟發憤匯舊新

異境獨開絕傍倚盡搜萬態入肝腸一掃陳言屏爪觜
子才橫絕吾所畏說詩意態今無二出今入古洞淵微
紛紛流俗甯解是我迫官事鮮爲詩獨絃哀歌聊自熹
不廢江河非所當一笑雲龍或共子

涼夢

涼夢初回倦眼橫孤鐙殘夜耿猶明愁心萬轉渾無着
忍亂霜天曉角聲

題金陵

六代荒涼指故都一時騰蹕盛朋徒碧垣白堊題標大
赤縣黃圖洗劫無驚浪南溟翻百粵邊氛北徼驚強胡

書生發憤真何策
淚眼乾坤一草廬

晚寒

吹雪江風釀暮寒
沈沈鍾阜忍迴看
兵塵蓋地揚諸將
生事彌天託一官
薄廩忍教重剝削
陳編終擬發叢殘
勞勞萬念灰難盡
叱咤寒空獨倚闌

雪畚庚白

玉戲荒唐逞異觀
驚枝凍雀未棲安
重衾半枕迴殘夢
被褐三年足曉寒
堆眼官書人易倦
纏胸鄉思夢初闌
巡檐索笑吾甯后
一曲陽春和獨難

論詩畚庚白

詩思通幽顯高談出性情精微真可說哀怨苦難平舉
世槐安夢餘生蓬累行文章芻狗賤更忍計時名

雪跡三平只與寒涼期官書人長寄
雲影低迷樹泥痕淺沒苔吾儕標冷抱天意厲羣材殘
局翻翻變行歌念念哀江城寒吹急兵甲漫相催

不寐萬念太難盡
殘夢渾難續孤鐙耿自明苦甘參茗味往復亂鐘聲勿
勿卅年往騰騰億念橫江城沉睡裏獨醒欲何成

野曠

野曠雲荒暮雨哀霧迷塵暗夕烽迴屠龍身手傷儒服

逐鹿功名付盜魁
客裏齏鹽幾饑飽
歲闌風物一低徊
江南歷劫行吟地
莫負垂垂屋角梅

密樹

密樹沈冥合驅車
向小園雙鐙明電石
一徑轉膠輪歲
瘠窮黎賤宵寒吠犬尊
殘年温飽意行迹未須論

邊塵

邊塵直北動哀笳
鼓角中原日又斜
被髮請纓兩無似
強持淚眼看黃花

彌天

彌天又見劫塵飛
兜率華胥底處歸
官事白門句當了

歸來自驗菜根肥

次均孫仲瑛雪

佳篇與佳友氣味共清冽發興孫興公高詠江南雪諸
峯失遙青寥天作慘白旁皇中山道迴望迷車轍巢林
鴉已噤厭枝木將折大宇入沈冥白日嗟一跌得勿大
江凝翻愁鍾阜裂萬家啼寒饑此意吾獨切援手苦無
方歎息腸內熱嗟子來何方參辟共江國氣味互和調
譬若鼎與鬲一室恣嘯歌何用日造謁儒術賤益微世
網膠愈結得酒且放歌至味無敗滅

贈胡小石

散髮匡牀坐修門帶薜蘿詩聲走江表孤夢落巖阿大
運龍麟遠邊城虎豹多扁舟向三峽發興定如何

寒積簷頭雪低垂屋角雲生涯縣絳帳心事託玄文世
降才甯屈談深意漸醺高歌搖獨夢好與斷知聞

雨窗官齋有述

江天如晦暮雲流龍象高居鎮一樓三月鶯花沈雨夢
萬方笳管迸春愁微文詎合諛生死孤抱猶堪劑樂憂
黃綬陸沈應記取可教空白少年頭

次均富庚白

倦倚危闌往復情悄看斜日下江城浮天花氣迷深淺

向夕山光弄晦明義士誰呼東海客
織兒又弄朔方兵
乾坤震盪尋常見牛蠲區區倘未驚

寄北江師遼甯兼懷障川

關河牢落一哀同南朔相望感異蹤
寂寂處堂猶燕雀
騰騰起陸又蛇龍官書塵土神纏委
別思江波夢涌洶
絕憶幼安遼海上高歌獨與泣黃農

沈沈劫燒萬啼痕廣廈春風道自溫
冰玉光精橫海角
雲雷噓翕極天門驚飈絕塞鷹鷂疾
落日中原魍魎尊
洗甲傾河孤淚在憑誰疏決盪千村

崑午攜妻兒遊靈谷寺牡丹謝矣

兵氣黃塵塞九垓疎林蕭寺一徘徊
法雲縹緲諸天靜落日荒茫萬影哀
健鶻巢縣遺構古游蜂夢戀好花開
江山易世吾親見何用僧窗話劫灰

江表榴花未解顰浴蘭佳日復茲辰
妻孥提挈足歡笑節物推排有故新
華表崇陵看赫赫敝車羸馬走踈踈
冥鴻夢逐層霄外不向人間泣鳳麟

遐庵先生出示寓俞恪士故宅懷散原先生詩次均奉

呈

溪光花氣護樓臺文藻江山迹未灰
斷夢人天孤鶴迥殘陽城郭萬鴉哀
煙塵北極看初上金粉南朝喚不回

袖手危闌餘獨喟沈沈孤抱幾曾開

攜妻兒遊雨花臺午飯粵庖攝景而歸

新翠迎初日山光接座纔乳花霏霧露石氣隱瓊瑰市

遠囂仍甚歌殘夢更哀微吟餘潑茗雁鴛莫相猜

山郭驅車返借登太白樓嬌兒足酣睡珍味恣冥搜照

影形神合臨風語笑稠何年賦借隱種菜與忘憂

暑夜

白下炎蒸毒熱新坐涼庭院一羈人九霄涼霧沉沉影

一曲鄰謳靡靡聲揮扇猶難安喘息荷戈孰與訴悲辛

絕憐阿母瑤池宴尙倚諸天散劫塵

移居

菜圃艱爲別先生移宅初居停增戀戀家具理徐徐心
事淵龍默生涯幕燕居宵深寒雨急一整線裝書

夜坐

遙夜人天感蒼茫數列星微涼霜氣白孤味電鐙青黨
論知何極兵氛苦未停十年游賞地飛夢入江亭
六朝金粉舊歷劫幾蟲沙髡柳行行樹高荷默默花蛙
聲喧野水鴉陣警殘霞賸欲扁舟逝蒼波未可賒
一歎艱危際扶持要有人萑苻猶盜竊樗櫟亦經綸醉
夢沈天帝勞歌遞僕臣橫縱成底事愁顧九方歎

寄石遺師福州

藤樹繩牀散髮歌
匹園高卧得春多
年光冉冉蛇趨壑
詩筆騰騰馬注坡
萬里笑言託文字
八荒膏血盡兵戈
陳編成燼看能信
歷劫沉芒有不磨
雨雲翻覆論千變
東去江聲有不平
海運極知天宇大
陸沉終恐地維傾
舊游夢寐縣燕市
薄宦棲羈隱石城
烽火鄉關驚又滿
程門回首不勝情

頌橘廬詩存卷第五終

頌橘廬詩存卷第六

閩侯曾克崙

玄武湖

山圍島峙水滌澗潮打孤城寂寞回花影映波俱綽約

嵐光插漢益崔巍殘陽一角蜩蟬閑單舸重來燕鶯猜

六代興亡看已了不須廢壘始生哀

泛舟秦淮口號

一水秦淮粉黛香沈沈歌管鬧殘陽扁舟載夢知何住

儘受南朝一味涼

梅次庚白均

萬態橫斜入笑顰瓊姿一代眼中人孤芳雪際蕭寥意
絕豔風前綽約身惆悵朱顏春正半啁啾翠羽夢初親
仙山香雪看成海絕笑楊花悄拂茵
瓊闕高寒星作堆疎枝冷蕊抱春開沈沈密雪畱香住
落落空山照影來迴睇人間千劫過凌波月下衆仙陪
瑤琴玉瑟無窮怨莫撫焦桐誚不材
索笑巡檐覓墜歡華燈疎影擁杯看嬌雲墮砌垂垂豔
微雨侵簾惻惻寒密意重溫飛魄苦戰塵孤傍作癡難
斷鐘曉角銷魂地夢入羅浮枕簟安
縞袂雲裳豔國花雨肥紅綻粲流霞茫茫野水橫孤抱

寂歷春風散萬家絕世佳人倚修竹仙遊小夢飯胡麻
錦城走馬年時事慚向江南拂鬢華

滬行雜詩

亂世求官事可哀升沈百變更堪哈登車半夕牢愁語
已夠吾曹感喟來

星眸開闔態離披語寂人欹月漸移底事先生太癡絕
自揩倦眼與哦詩

春風曾此小勾留終欠靈巖十里舟豈意月明如水夜
又攜殘夢過蘇州

疾風震電太猖狂身世憂危詎可當啜粥石林齋裏話

卻從塵海暫清涼

詞家勝代萃如雲崛起誰堪張異軍
絕嘆遐庵老居士
鈎稽排比太辛勤

征塵乍拂一餐過俚曲偏教檢均和文字鬼神雙棄物
何勞誦禱日婆娑

密遞私刊意已微吠堯詈桀是邪非羣言淆亂吾知擇
愁見中原羽檄飛

層樓天半稱幽棲宿霧籠雲入望迷
夾道梧桐垂蔭大
移根也自法蘭西

鐙影騰騰沉宿霧車聲逐逐走奔霆
蒸虹海氣三千丈

夜夜歌呼幻百靈
別我申江一歲餘
蜂衙鴿舍暫樓居
朋交訪卻驅車返
新月還堪映讀書
插雲鬢舍鬱嵯峨
望裏真如一瞥過
高密十年辛苦地
可能餓死換高歌

圓領星文障袖單
齊眉短髮拂鬢鬢
晶窗鎮日奔車裏
漾我微波一種愁
自將玳篔自梳頭
瞳翦吳江一抹秋
微雨聲中人自去
獨留孤憶落瓜州
稻雲瞥眼碧如茵
遠樹層巒繞逐頻
好景江南留不住

可知轉轂有廳輪
奔車飽吸滬江塵
迷眼豪華氣逼人
莫笑白門太蕭瑟
雨餘山翠望彌親
可能酣戲似平時
小極偏勞寤寐思
買得搖車飛馭返
要將恩物慰嬌兒
贈調父
雙棲海燕玳梁居
一舸鷗波漾霧裾
活國神方浮海乞
照人玉貌過江初
新詞梅苑行行豔
斷夢蘭樓默默歔
莫復一官歎匏繫
南來清福孰君如

小園

小園叢樹稱幽居睡足南窗笑曳裾雲影澄潭禪定際
霜華窺枕夢迴初十年湖海餘飄蕩一卧江關了歎歔
賣賦長門成底事更堪才力不相如
視遐庵先生疾次前均
逐逐奔車半日居輜塵一道點征裾神馳欲挾飈輪起
魂震驚傳電語初凋瘵乾坤誰拯拔訶呼江海獨欷歔
漸空結習無言說示疾維摩意倘如

中秋世界影戲院觀璇宮豔史電影賦三絕句
荒園霧影弄淒清馳道寒鐙映馬蹄海國霓裳成絕調
賸從銀幕認嬌啼

曾侍雲鬟北海隈
待乘冰霧幾時來
嬋娟自媚無窮世
羞影江南劫后灰
窺簾窈窕意相關
夢逐瓊樓杳靄間
一笑真教迴萬劫
白頭吾欲老鍾山

中秋對月有懷

沉沉冰霧浸人間
江波無際江月閒
璇宮霓裳響欲歇
銀幕悄護歌聲寒
杯酒江南足歡喜
清影娟娟呼不起
嬋娟咫尺隔秋烟
廣寒一夢艱如此
桂花墜露弄蕭寥
殘夜荒園佇玉宵
淺笑迴眸思愁絕
液池夢戀霜華潔

永閔周晬詩

昭昭揭日月赫赫掀覆蓋墮地汝何遲迺與亂離會亂
離亦何常萬方苦顛沛拯苟無人皇天復奚賴咳汝
名汝閔所願籠無外閔乎奮所期獨立乾坤大

世論尙物競演存貴優秀異族日侵陵憊矣黃農胄吾
宗出武城孝德彌宇宙閩遷五百載詩書實世守仁厚
植本根隱德難悉究祖澤試追維遺汝固已富

猗汝曾大父精魄實強毅一官走蜀西獨挾詩書氣嘗
言我獨清不達非所愜庶幾起后人爲醇醺萬類我劣
不足承念此每歎歔奮迹獨汝期何只爲顯貴

名教卑世桮節烈動天魄吁嗟汝大母刎頸噴血赤卅

年瞽神智志實貫金石食報亦何言述德孫子責裸逐
而獸嬉傲俗吾知闢揚芬拒諛詞奮筆期汝亦

少小實孤孽日與艱危鬥事父事繼母愉愉忍訶詬神
鬼啼在旁劓臂方父掬再割飲阿母霍然已宿疾至誠
所感孚流俗詫天佑言懷汝母德蔭汝千萬壽

生事日苦艱娶媢每苦早獲汝婚方期玉雪欣在抱方
吾始生時吾祖賦詩好卅年及汝生汝祖那弗老絲茲
慈孝意萬世遞相保非孝世爭傳斯意倘未考

我還自燕都剛氣相倚伏證婚來井研

季平先生

海內禮尊

宿八月我東征汝孕實母腹騰踔萬里波滬瀆爲頓束

三峽勢雄奇吳楚氣清淑翕受山川精宅日見蘊蓄
虎踞而龍蟠長江流浩浩建業實雄都蒼然氣迴抱已
已石橋居維望清和好日不乃祖踰嶷然在文祿地以
哲人名立名可不早眼中江表雄卑卑何足道

立名終何祥身心厚所植聲聞苟過情謗毀在汝側吾
聞古真人抱一天下式聲施濟無外退處凜以默赤爍
方扇氛凶燄迷八極手拯橫流還懷哉慎立德
世士誇戰伐功烈每相矜焉知一將功萬族怨騰蒸制
作濟天下自視猶競競但期利民物一藝皆可稱俗漓
崇高勳忘返誰爲懲大呼震世曠汝其裕九能

公六
文定列入家高名世所醺文正挺勝清餘子掃紛紛我
拙與世疎獨夢追皇墳才力知不勝終思起異軍談遷
與彪固世業何芳芬高躅真可追速起宏吾文

汝生擬爲詩夙願久未償忽值汝周歲睟盤置在堂提
劍復操幣筆印繼取將顧盼極雄酣拜跪尤知方汝智
日以開汝壽日以昌期勗意無窮歡歎成斯章

寄伯鷹障川遼甯

落木江城莽四圍歌呼氣類眼中稀勞勞短札消長晝
望望高樓倚夕暉一概海天餘浩漫十年山斗極瞻依
平津不作原嘗逝橐筆吾曹何處歸

華年燕市酣嬉侶窮塞遼東句讀師有婦拋書工作饌
背人據案與論詩鼎犀鑄象虞初志兵馬騰鷹杜老詞
北海聲名子潘子可無玉臂憶寒時

題王調父猛悔樓詩

姑射天人絕世姿玉京孤夢寫靈詞碧函丹篆神仙字
此意人間那得知

長吉飛卿骨作塵王郎窈思久通神區區蕭寺秋泥句
狗掃樊山一輩人

覺林聽持松法師講密宗

樹影沈沈摩挲飛寒宵孤月夢依稀覺林坐接祇園會

印取西來祕密歸

悄弄

悄弄嬌嬰獨倚門斜飛短髮鎖烟痕通詞自有微波在

長記嬋娟一睽恩

雨夕王調父招同孫仲瑛會飲縱論宦況感慨系之歸

途爲兒子購果餌而所攜伏敵海藏詩卷墜地盡污

寒宵無寐占長句簡調父兼示仲瑛

馭電華鐙照座涼酒兵嚴夜破吳霜登場粉墨羣兒戲

列俎殺羞一笑嘗車下泥塗辱文字夢中歌哭蹈猖狂

江天雲霧看能隱可奈光芒未易藏

趨府疊前均

煥聖大詰

鳳更之

晉

燕

燕

巾車敝褐犯微涼
初日茫茫菜甲霜
獨夢搖搖追管葛
高歌落落望原嘗
聲華闕寂家雞泣
議論張皇國狗狂
殘劫江山痕慘淡
可能窮髮斂行藏

調父和章久不至
詩以促之二疊均

華月虛廊走夜涼
芙蓉孤劍拂新霜
江天鴻鵠鳴相應
海國蛟螭醢獨嘗
饑飽有時供謔諷
醉醒無計避顛狂
南來袖底清哀筆
莫共春風久鬱藏

題鄭守堪丈篋灰鞭影圖三疊均

哀音淒厲氣蒼涼
高節棱棱鬥雪霜
遺簡摧燒灰未燼

卷施辛苦味都嘗一鞭騏驥雲霄疾萬撼魚龍風雨狂
倫紀漸漓文字賤篋中阡表試深藏

寄富劉蕙農遼甯四疊均

叫雁南飛掠夢涼新詞玉屑點清霜秣陵雲樹層層憶
榆塞風沙歷歷嘗避地從容開草昧問天呵叱發佯狂
孤光藜杖分明在好爲遺經啟祕藏

寄稚鶴孔才伯鷹障川同門諸子五疊均

長河落日角聲涼尊酒高歌夜帶霜孤夢黃農寧可覓
微言姬孔試偕嘗依違塵劫艱悲笑商略風期入狷狂
隱霧豹文休歎喟伏龍雛鳳要潛藏

題靳仲雲游金焦詩后六疊均

江介詩聲散夕涼春風單舸叱嚴霜山光北固真能繪
泉味中泠可備嘗蠻語參軍詞憤慨罪言供奉思清狂
天根月窟躬探索異境何當與發藏

感述七疊均

接坐人天萬籟涼據梧噫氣翕飛霜容身木雁知何擇
戀味菹鱸苦未嘗夢底星辰魂魄警鬢邊江海嘯歌狂
陸沉黃綬吾寧惜閒殺名山宛委藏

寄昫谷先生八疊均

沈沈佛火鬱孤涼明鏡摩挲認髻霜故里赤燦纏夢寐

空山黃獨恣咀嘗羣昏馳驟鸞皇老正法消沈龍象狂
飄雨萬花供作偈看能真境剖天藏

寄遐庵先生九疊均

海山兜率夢清涼丈室呻吟月墜霜佛說諸天成默憶
神方異域記新嘗高居一往泯哀樂微抱千年劑聖狂
溟渤鯨魚看跋浪眼中龍德自淵藏

零亂

零亂疏鐙隔霧青波光霞影弄冥冥車聲漸近人初定
殘夢黃梁可要醒

黃翊庵悼亡詩以唁之十疊均

海波無際送初涼香冷虛幃瓦有霜仙闕蓬山人已杳
寒鐙孤枕味初嘗華年落葉哀蟬怨斷夢湘絃赤鯉狂
揮手人天莫惆悵塵骸萬古一邱藏
官齋有述十一疊均
明漪翻碧盪疎涼天際羣峯載曉霜膠漆舊盟千劫在
虀鹽拙分一哀嘗枯槐聚蟻看羣鬩絕壑層蛟有獨狂
百鍊干將成繞指可無劍匣與深藏
贈黃墮庵十二疊均
照乘隋珠掠夢涼齊州九點雜煙霜川原寂寂哀吟入
風露娟娟旅鬢嘗枯樹曾傳開府賦窮途誰識步兵狂

世兒買櫝方誇說光氣真當慎韞藏
其武來十三疊均

層軒促膝坐宵涼遙認吳天一夜霜
花氣纏魂飛劍逐江光浮淥引杯嘗
碧波照夢翻鯨鱗白日沉陰走獠狂
莫漫吳鉤含笑指躊躇試與善刀藏

園居大雪十四疊均

荒園暝合朔風涼歷落虬枝綴玉霜
隱几江梅寒蕊大堆盤春韭露根嘗
寄身隴畝聊堪隱被髮江湖亦太狂
萬象蕭森天地閉孤羆蹲几獨蟠藏
食鱖魚感念先大母作十五疊均

報劉孤痛劇淒涼廿載童孫鬢漸霜承養雞豚嗟未逮
佐餐魚膾忍重嘗閩山雲擁神靈遠蜀水波張寇盜狂
夢裏松楸看在眼何年馬鬣與封藏

青溪詩社十六疊均

賭唱旗亭暮雨涼奔車摩托碾瑤霜欲張銅鉢敲詩興
試指銀瓶索酒嘗裁對真難誇巧勝謔嘲聊與發疏狂
寒山夢續鐘聲裏臙割瑤華衍篋藏

書家書后十七疊均

飛書雁鴛挾新涼氣接巴吳萬里霜瘡補肉剗成末策
薺甘荼苦入孤嘗家貧遊子真難役世降窮儒詎敢狂

羈絆一官容可了賣漿屠沽亦堪藏
合肥執政七十生日對巴吳萬里
大道持賢劫閒身作聖師游棲侶麋鹿談笑卻熊羆誕
降諸天震憂勞卅載疲華嚴千萬壽不復頌期頤

運企唐虞盛心還文普期九州推讓德一老繫危時觀
化聊扶杖沉機與著棋獨居悲閱意休遣世兒知

頌橋廬詩存卷第六終

頌橘廬詩存卷第七

聞伯鷹被囚苦憶成詩用其遊萬泉河均

建業距幽都淒迷萬里霧電語忽驚傳魂魄幾飛去世
路莽荆榛艱難窘天步鑄象窮鼎犀萬怪鬱高怒豈伊
捋虎鬚形容太刻露胡爲緹騎索欲辯口已吐九關蹲
虎豹牙角森可怖孤鳳看在笈衆狙期一悟憶昔舊京
遊看花曾共御孤塔湧玉泉攀登幾亡屢振翼俯八荒
鳳鸞恣翔翥事會一朝新江湖各浮瓠卑棲託鷓鴣家
國非所預挂眼六朝山聊得清曠趣君乃苦念我橫江

竟兩度荷風玄武波翔鷗夙歎慕歷劫鬱金堂一水莫
愁據牧童導我游暝途指不誤石馬卧殘陽黯黯孝陵
路萬感了暫歡倉皇遂北渡騰驤萬里姿屈抑何當吐
俯首服轅車嘶鳴絕淒楚丈夫生季世何物爲建樹高
明鬼所瞰頭顱誰能顧窮北送傳車皎然寧改素去雁
久不遠暫螫倘亦數縣夢望遼東蒼茫不知處
同寄塵觀歷史博物館魯豫發掘古物疊前均
督儒談三代迷墮五里霧欲起問古人古人嗟已去蠹
簡資辨難硜硜守故步天根探無由地靈赫然怒遂令
古器物一一各發露契文粲可徵淺學口遂呿安陽再

度掘偉績足驚怖盛裝列南都要令國人悟李侯夙嗜
古呼我共叱御喧闐博物館摩肩復疊屨赫赫牛龜文
翩翩鳳鸞翥奇古邁吉金至寶非康瓠士女恣游觀傾
城悉來預兒童絕喧嘈寧得鑑古趣十日窮觀摩橫江
當北度遙知燕都客延頸方企慕法典巴比倫考古茫
無據哈摩拉柱出鑿然迹非誤佛蹟述流衍紛指多歧
路碑發阿育王勝法知所度摩沙足信徵宿疑快傾吐
燕齊掘將竟次當及吳楚鴻鵠慕寥天鷦鷯巢高樹役
役塵埃間悲辛賸狂顧所幸三年居京塵未點素成虧
恃自力顯晦亦天數何當登昆侖立身聳高處

讀北江師近詩次風字均爲長句奉呈

陰陽翕闢搏雷風火雲一氣搏當中散爲億千萬星界
孰爲雌弱孰強雄大地球耳運萬紀海豁陸露陽精紅
萬木怒生茁羣卉龍奔蛇逐跳羆熊羣生演進人始茁
初祖紛說源猿公茫昧洪荒渺難紀去如鳥迹過虛空
巍巍炎黃立人極訪道廣成咨赤松弧矢威力控無外
北踰沙漠西崆峒冠裳玉帛咸來會赫然萬國歸幃幪
三代德衰肆征伐粹矣華夏侵諸戎禮崩樂壞逮周季
弛張天道艱檠弓彌縫汲汲起魯叟麟傷鳳嘆嗟成翁
漢師宋儒撥秦燼微言奧旨猶迷濛百官美富窺未得

徒從萬仞瞻牆宮一哀沉沉白日晦千年漭漭江流東
神功聖德渺矣絕高標誰誇昆侖峯吾師奮起百代下
彌天箕斗羅心胸淵淵冥契紹文字大聲鏗鎔鳴黃鐘
平生覺負有鉅任獨持絕學開顓蒙一朝朝市變燕薊
塵埃禹甸迷重重遼東避地發高詠噴薄盛氣橫霓虹
玄言已見墜孔姬孤夢獨與追黃農羣飛刺天極擾攘
唐堯虞舜疇能逢且須放謔極縱酒手畚持鍤鋤蒿蓬
席天幕地絕縱意螟蛉侍側呼二童豈合縣眼望鄉國
坐看百劫迴沙蟲萬族眼枯啼見骨昊天冥漠寧能通
赤氛瀰漫黃霧塞更能衰季興儒宗滄溟跋浪掣巨鯨

雲霄叱御驂飛龍會當乘氣附驥尾橫覽宙合探無窮
登燕子磯放謔懷伯鷹如林如日如天冥冥寧論
大江洶涌橫長風山光無際凌空中危磯突兀擬飛燕
俯仰氣象何瑰雄我來萬象恣吞吐曉日初挂扶桑紅
巖山斷壁絕奇偉如奔豹象蹲羆熊踞虎蟠龍指形勝
濟時翻念諸葛公三臺洞深尤險絕曲折磴道盤虛空
危樓八荒窮睇眇東瞻岱嶽橫雲松春色朔方何浩蕩
西來佳氣浮崆峒赫赫黃圖麗白日雄都建業看發幪
九州六合供叱咤談笑氣欲吞羌戎何哉擁兵競雄長
諸將一室操矛弓纓冠被髮救不得浩歌欲步商山翁

扶持大鈞運日月摩揚巨刃開鴻濛龍翔鳳翥衆仙至
雲璈奏徹蓬萊宮千年瓊樹吐高豔婀娜自媚朱闌東
帝網因陀見萬界萬花驚涌霧鷲峯雷音天半盪耳目
法水無際傾肝胸歸來枯坐萬緣寂空山夜雨聞霜鐘
剎那觀心過萬劫擾擾大地猶塵蒙白骨撐天萬鬼哭
赤燄吐燄圍重重吾黨安仁富才藻論文吐氣如長虹
匠心已見運良工異說豈屑宗勞農遼邊傳車忽囚繫
黃衫俠客應能逢湖海飄零豈有極勞生萬事如轉蓬
夜闌夢醒感塵役嬉戲翻欲追兒童鬪爭白與鬩牛蠲
得失何用爭雞蟲但當溪山恣攀歷精神冥與造化通

翕濡浩氣運雄筆高居自作文章宗春和大地百物動
浩渺八海騰蛇龍東潮西汐互吸引橫流盪激看能窮
聞伯鷹脫囚喜而有作三疊均百
夢魂度遼邊夜夜凌煙霧醒覺身在牀絀羈未能去騰
驤江海姿檻穽艱縱步縣命刀俎間生死何喜怒飛書
爾何來怨憤稍流露嗟子竟獲全喜極口忘呿翻思在
囚危驚定爲子怖久蟄信得申夙孽倘有悟羣飛看刺
天六馬愁失御裳衣方倒置誰爲正冠履日月自奔馳
雲霄自翔翥散櫟信可依何事語破瓠嗟君澹蕩人謀
身豈不預月日肆譏呵或博笑談趣烈烈赤燖焰焚灼

痛無度勢脅而利傾達人豈欣慕津沽大拘索若曹何
所據或證或指之鑿鑿似非誤吁嗟世變亟異說紛歧
路導鎔得所歸橫流資津渡壓抑故迫摧積憤艱一吐
潰決不可收終虞肆毒楚驚飈傾危巢衆鳥亂高樹豈
知鍾儀囚竟逢伯樂顧亂世當慎交君子貴行素戮辱
與謗攻真當委運數嘔肝馳慰君兼以訊寢處
豁蒙樓禊集分均得千字
春物爛盈野湖光遠浮天危樓窮睇眄渾渾大宇圓羣
公飽憂患南來非播遷舊序看已更珍此祓禊筵詩聲
響應鐘書勢誇奔泉干擾獲一豫至樂誰能傳烏乎典

午亂中原窟腥羶右軍經世抱發憤嗟難宣觀其遺浩
書所期解倒懸蘭亭念死生孤痛縣千年建業稱雄都
景運恢無前黃圖麗白日指顧清垓埏安知赤燖怒噓
毒方騰扇羣帥競操戈萬里橫烽煙淒涼白骨畔灼灼
山花妍念此不能食登眺意茫然勝集信可欣餘責累
萬千戮力與蕩漂勗哉江表賢勳交昔于貴存素德
冒鶴亭屬題沈傳師二徐姜安中攝山題名拓本世豈
疾齋先生健腰腳尋幽不厭攀藤蘿斷碑遺碣恣獵取
兀坐斗室千摩挲搢來攝山得遺刻氣高均古光瑳瑳
掀髯一笑顧謂我似此瑰寶寧能多侍郎工書氣精緊

體兼虞歐何婀娜二徐題名屹相尙儼若玉樹交枝柯
鄱陽安中宋姜氏亦同慧老來觀摩厥書右行異常勢
不及楚金理則那到今歷世逾千祀熊熊光氣留巖阿
吾聞沈書世罕覩羅池一碑真不磨萬金孤本求不易
遠粥似踏扶桑波常侍舍人工篆籀許學導海推先河
縣針倒薤互盤屈斯冰弄筆寧能過凡爲文章宜識字
昌黎古訓垂律科平生學韓有微契亦嘗字體窮隸蝌
篆真紛綸忽照眼勢與千佛爭巍峨撫摩賞會發長詠
獨恨才謝谷與坡哀此喪亂天薦瘥黃圖白日騰羣魔
湯湯洪水盪岷嶓更堪東海騰蛟鼉噓毒狂噬誰能訶

捍固守土無牧頗議論往復如交梭不聞一計戰守和
眼看浩劫淪脩羅荆棘寧待悲銅駝片石寸楮誠么麼
佛力豈能長撝呵更用腐儒恣吟哦二徐遭際嗟轆軻
身世慨念當如何把筆涕泗紛滂沱詔我還乞先生歌

邊關

邊關笳鼓動飛灰斜日高原晚吹哀一霎陰陽弄明晦
萬家訶哭漲風埃纓冠被髮番番戲裂土分茅逐逐來
爲虜爲奴行已及忍看金碧耀蒿萊

感事

節鎮雄遼海倉黃撤國藩擁兵千屈抑淪劫萬煩冤鶯

燕徵訶煖豺狼得食喧燎原星火勢共盡更何言

接席看揚摧蒸沙與控搏論交期勿頸抒議倘披肝其
豆煎仍急藩籬固已難焚巢成底事吾夢自槐安

卧薪謀未具破竹勢堪驚不作申胥泣空尋向戍盟孤
軍期湔恥苦戰獨塵兵援絕終何恃殘烽黑水明

庚白以遊吳淞礮台詩見示次均奉會

廢壘秋風落日殷殘烽明滅亂流間創深私鬪猶相斫
夢斷孤飛且獨還望海可能瀉悲淚觀河無復駐衰顏
眼看萬族終無託始信孤雲一味閒

九日石遺師召同門飲蘇州寓齋余以病未至師有詩

見及賦呈

孤呻曠野莽無儔
夢逐胥臺勝日游
好與築亭顏畏壘
終虞覆國類仇猶
風雲黯黯千哀集
天海茫茫一嘅休
蜀峽悲笳看正動
驚心叢菊故園秋

散原先生八十生日

帝使扶元氣孤噫振國維
九天飄咳唾四海念鬚眉
絕島蛟螭橫深堂燕雀嬉
匡山搖獨夢微論接天倪
萬怪看皇惑西江滙眾流
風雷極開闔星斗與沉浮
墮淚皋夔業冥心甫白游
鑄金形影在光氣擁千秋

和伯鷹

疏簾微月晚逾幽斗酒真當與婦謀越世高談開戶牖
閉門孤賞劑甌甌神山鸞鳳荒唐夢大澤龍蛇掩抑秋
眼底五湖煙水闊可能散髮弄扁舟

棧樸荆榛一望中聊從避世隱牆東哀笳腥吹迷殘壘
落日悲風咽故宮攬海鯨鯢千界震窺天蟻蠓九州同
西臺痛哭它年淚顛倒何心問化工

北江先生寄示和孔才用杜均贈別伯鷹十律依均賦
呈兼示孔才伯鷹障川

歷歷諸天界迢迢萬里橋深杯偃溟渤孤劍拂雲霄世
降懷先覺歌殘賦大招遊心黃葛表孤夢極逍遙

公十
指點蓬萊水年時幾淺清
焚巢看旅燕爭樹亂啼鶯
月殿花裙舞雲堂玉帶羹
一歡須盡醉破浪好西行

棟折僑將壓誰將一木支
花看洛陽苑浴試華清池
充耳冰蟲語危心著蔡知
遼邊圖籍在一一忍重披

陰雨三巴路新燐發故花
墉穿爭鼠雀峽靜起龍蛇
老父形容瘁遺黎性命賒
白雲愁極目何地是吾家

抱道吾師獨燕遼講席開
羣才羅海樹孤賞託江梅
野馬騰騰逝飛鳶逐逐來
浩訶氣彌厲把卷坐莓苔

畏友武強賀清遊屢玉泉
瓌文霏蜀錦野服卸吳綿
窺篆青田凍嬉春白打錢
危城烽火逼愁望好山川

鑄象黃門作長空散妙香奔車出幽薊橫笛唱伊涼一
笑量肥瘠千哀話用藏鍾山吾眼底佳氣故蒼蒼
第畜子方子聲名漲液池波光浮白裕山翠擁青羅落
落儕羣僧悠悠笑世兒向來酬倡樂仙侶鎮相隨
八極橫妖霧羞爲出岫雲賃春通德里弄筆送窮文泰
華吾當極淄澠世豈分官書供說解目論謝紛紛
斗室哀千劫旁皇可若何天低星斗大野曠草蟲多明
晦觀吞吐悲歡託嘯歌平生師友契何日一尊過
韓將軍歌

赤燦閃焰黃塵昏鐵騎擐甲如雲屯飛車黑水恣飛越

公一
九
霆摧電掣迫吾軍大呼盡殺天驕子軒軒將軍真烈士
卻敵欲追衛霍功防邊詎盡牧頗志驚塵十月邊風寒
荒鴉凍雀棲難安軍府雄藩互作計命將不築淮陰壇
寡衆相懸世所見獨遣孤軍奮一戰奇肱重礮斬不輸
赤綬羽冠終何戀淒絕倉皇與婦書銘功夢想狼居胥
絕塞塵兵援不至犁庭掃穴願終虛俄騎合圍嗟力絕
義軍大呼地天裂三千甲士化沙蟲邊城初染黃人血
吁嗟乎神州龍戰年復年鬪牆私鬪看相煎捷書露布
遍天下將軍死烈誰復傳將軍死烈無人傳中原又見

橫烽煙

頌橘廬詩存卷第八

閩侯曾克耑

挽林蔚文丈

烽火危城涕笑艱
倉皇單舸走鄉關
音書萬里蛟涎濕
魂氣三山鶴夢閒
近嬾飲醇寧自放
持鉛握槩有孤潛
絕憐鹽鐵翻新論
待燼微言未可刪

遊鄧尉口號

市廛夾岸漲昏埃
一舸吳江緩緩開
青翠推蓬驚滿眼
前頭知有好山來

香霧初縈笑語譁
亂山合沓夕陽斜
停舟木瀆知何事

爲覓橋西賣餅家

輕寒微雨漾疏花
欹枕繩床苦憶家
鐙焰半明饑鼠出
可容清夢到橫斜

瘦蛟偃地氣嶙峋
狀物吾師語逼真
絳蕊繁英都插遍
歸來無恙戴花人

避世

避世仙源迹久荒
天台無復問劉郎
紅雲一邏嬌如許
似爲詩人炫曉妝

歸途有述

雨后千鐙弄影驕
奔車馳道意蕭蕭
艤艫狎浪層樓迥

一往心波鬱怒潮

富劉生鍾經

橫流未可方空山自覓夢萬籟鳴神絃靜聽衆鳥啣千
劫過彈指羲和逝一縱所以古哲人發憤忘屢空九州
幾豪雄盜柄爭試弄坐令大儒業閉門事吟諷干戈雖
未息詩書寧無用傾糟飲厥醇試與發春甕

鬱鬱南山松拂天挺枝柯輕陰弄明月霧蓋森婆娑彼
美兮不來渺渺洞庭波披蘿帶薜荔忽在山之阿禹功
何混茫萬派疏九河孤胸羅萬象森然起微哦探源得
秘奧歲月非蹉跎養氣真吾事憬然思孟軻

公八
騏驥千里姿勢不虞顛蹶籥雲超天衢神采聳毛髮曩
誦子七言嶙峋見風骨五言出貞曜磨瑩湛金鐵世事
若飄煙浮漚千變滅惟茲立言業高名峙嶒嶸固窮儒
者事奮厲莫悽咽千秋以爲期念念中腸熱

若師吾同門琅然清節堅皎若雲中鶴下視卑人寔夢
寐追黃義指畫瀚窮蟬說講敝口舌憂患紛熬煎吾嘗
戲語之吾曹俱盛年風氣開一代誓當芟茅菅儒術微
不試濡沫窮海壖嗟余惰益甚誰爲施扶鞭
俚語時所尊高文看自賤學子靡從風吁嗟此世變拯
拔謝未能餘憤欲焚硯何來孤鶴唳勢異流鶯囀孔謝

挺兩豪筆亦走霆電精魄所渾融寧論面未面英聲試
發越沉憂當自遣何日共一尊金波浮豔歛

花朝石遺先生招飲蘇州胥堂呈三絕句

接席猶能侍聖師玉卮浮醪影參差廿年幕府迴翔客
可要恢張一世奇

破萼緋桃漸吐頰辛夷雖謝影亭亭詩人老去情何住
賸道看花眼尙青

花光羅苑看如錦石色黃莊遠接天何用鄉關追往劫
破愁正有酒如川
不寐

茗飲清無睡勞勞萬念馳
愚心憐弟妹鼾息妬妻兒
舞榭鐙初沸高樓漏漸遲
青溪溪畔侶好夢費維持

電炬橫窗入霜華逼枕涼
孤思極幽渺長夜自迷茫
幕府年年客官家念念荒
黑酣尋不得養拙更何鄉

躬庵示元旦詩次均奉畬

沸地哀歌壓萬喧欲從除夜起
騷魂浮生已分形骸役
殘世猶欣氣類存商略鸞棲枝
要擇低徊蠹簡味逾溫
昌詩倘爲扶衰運貞下真當與起元

贈躬庵

神聖真成嘆伏徂詩書猶爲擷
芳腴眼中意態無餘子

筆底精靈走萬夫
薇蕨空山餘悵惘
荆榛文囿待芟除
虬枝醉撫婆娑影
明月高天倘可呼

自滬乘飛車至金陵

鳴機軋軋御天風
眼底鍾山尙鬱葱
安得翻飛橫六合
獨携浩氣絡鴻濛

方田萬郭各東西
淺綠深黃一望迷
六月天風鵬背穩
故應塵土陋醯鷄

少日拏雲有壯心
寥天莽蒼入孤吟
蛙鳴蟬噪紛喧聒
可識雲霄鸞鶴音

自晉乘飛車適秦

日氣迷濛曉霧橫
雲山三晉看分明
棉旒塞耳吾無取
要識九天霆鬪聲

叢叢培塿麗初陽
萬馬西來號太行
我欲凌風偃溟渤
揚塵更看海生桑

雲連秦嶺小嵯峨
華嶽三峯眼底過
振翮層霄無个事
自將白日看黃河

看了黃河又渭河
濁清混混奈伊何
秦關飛過無人識
記取雲間一曲歌

秦庭天醉亦尋常
廣樂鈞天事渺茫
我欲九閭親敬闕
高旻無語色蒼蒼

道喪

道喪才寧屈詩窮世豈知
金銀圍寶氣珠玉寫哀詞
天遠奔雲合江空落照遲
扁舟吾羨汝一笑逐鴟夷

夢短

夢短醒猶覓心孤道自持
雄堂千劫過危壑萬流趨
墜露臨風笑奔雲逐日嬉
飛車真可馭八極逐玄螭

石室玄言渺晶窗暝色遲
江光吞日氣雲腳濕煙絲
浪疾鳧鷗狎巢欹燕雀嬉
同舟應記取風雨入孤危

白門感述

比翼雙飛事費猜橫江我自御
風來聞聲對影俱無分

繫魄纏魂漫自哀芳草池塘餘晚晚飛英庭院幾徘徊
多生情劫銷難盡又向胡園過一回

旅燕尋巢迹未荒閒情別意兩茫茫柴門俏倚通微笑
幽徑重過認暗香耿耿星河人漸遠迢迢波路夢初長
雲英故有藍橋約知待何年乞玉漿

昀谷先生挽詩

五濁不可居千劫方自孕眼中雪竇禪乘化了一瞬苦
行老頭陀世法未許溷慧業與禪心沒地豈容徇往吾
舊京遊官曹共游讌賞我詠蟬詩謂當冠時彥苟能洞
禪慧所造當益進介我謁證剛妙論資取證示我釋大

乘受讀苦未竟以我困一官抗言數引薦屢爭慚力小
語我每憤憤南還我就婚佳篇寫見贈期我寶法喜每
讀輒自奮烏乎大乘法諸佛見心印天眼閔衆生悲淚
痛末運執著一掃空苦樂寧由扇末流昧真識說法詡
自聖福利與機鋒求逞意猶競貪癡痛凡夫顛危視國
命何術起詩禪一爲藥瞑眩

燕居吾何營就公每論詩公詩有師法所說浩無涯極
推栗里翁冲澹含天倪獨鄙謂杜公名胡經天垂間及
近代作一一詆厥疵海藏氣味別滄趣工矜持無錯餘
悱惻散原縉文詞下逮樊易作淫哇何卑卑陶公信澹

泊中蘊亡國悲至澹鬱至痛所造多雄奇杜詩含元氣
巍然百代規忠愛所憤發誦之橫涕洟大范挺勝清憂
亂多苦詞能綜坡谷長陳鄭同馳驅公詩吾夙好公說
稍滋疑每思面諍公一爲抵掌嬉豈知別后世干擾紛
百罹微軀役寒飢無復陳編窺憂亂餘獨唏亡質當語
誰不見詩城摧異說方昌披

衰季叢垢汚高才日凌替嗟公天人姿歷劫偶現示郎
署舊迴翔了不異初地一麾擬蜀遊倉皇值易世破帽
稱衲衣孤館儼蕭寺自參聲聞偈寧計禪代事雲鶴望
寥天冥然有高契詩法示後來澹雅出純粹超軻記挾

友公眞弄狡獪羅什試吞針倘爲示遊戲故里西山春
雜花爛無際蘭若託縹緗歸隱每作計公卿雖隆禮傳
食等囚繫一棺返冥冥萬象鬱歎愾言欽吾母節許我
爲文字津薊居屢遷覓稿難發笥冤親視平等去住了
無礙不知石門禪編錄誰校字重泉痛永暎墓門闕奔
祭風義念平生臨風隕危涕
早起
早起親書帙荒齋事事幽一晴開萬象羣裔入孤囚世
短人猶夢天高怨倘休牢盆清淨域嗟爾試回頭

宦夢

公八
一
宦夢迷天遠愁心逐雪飛潮痕千劫在雨腳四天垂轉
轉飈輪疾勞勞生事微眼中橫目衆來日竟安歸

橫流和伯鷹

橫流莽蕩更安之小別難禁十日思抱岸黃流波黯黯
倚樓大月夢離離厲鄉未信無身患栗里如聞乞食悲
爲問運斤潘技士可能鑿刻出雄奇

眞如視病媪疾

薄倦荒村叱馭歸四圍暝色暗侵衣衆芳蕪穢傷春物
萬象荒茫漾夕暉適野嬌兒看躍躍迴車病媪有依依
操戈入室年時事通德談經願早違

野梅

野梅依約怯春寒
初日園林得靜觀
縱意終思雲一邏
冥心徐味玉千盤
鷗波風物供摩繪
螿穴功名自控搏
吾土已非嗟信美
可能長借一枝安

送伯鷹之官武昌幕府

枯鱗涸轍各羈孤
海角棲遲互沫濡
暝坐微言際天地
窮居逸唱滿江湖
參軍倘許艱難試
橐筆真成涕笑俱
縣榻高樓覆眼老
絕憐平楚日荒蕪

南來志事託園蔬
朝莫猶當了衆狙
殘世功名起刁斗
故人魂夢怯舟車
倚閭白髮垂垂老
遺珮朱唇故故疏

漢水月明風露永可能重與續虞初
短褐倉皇夜半行車聲劍氣鬪崢嶸
春波淞水看初長落照江皋有暫明
貧賤驕人時所忌篇章用世道彌輕
方舟溟渤尋常事底用橫流判濁清

小園

小園三尺許亦有數株花朝露浮珠
颭低闌鑄鐵遮迴旋真不易賞會信
無涯何必蘭成賦江關涕淚賒

送榆生教授中山大學

去去珠江水維舟可自由蕭寥將斷
髮談笑決縣疣獨立知何畏相思苦
未休百年論聚散試與語風漚

記授疆村硯摩挲痛不勝紅牙徐按拍青簡自傳鐙橫
海將鷓鴣培風逐化鵬可憐淞浦水日夜尙奔騰

舊里名通德談經共草玄操戈看入室調瑟幾移絃魍
魎噓枯骨蛟螭濕古涎袖中犀鼎筆好爲鑄新篇

上周孝懷先生

廿年縣夢得瞻依髻鬢相從意未違獨斂雄芒親霽月
敢持危睇對斜暉騷魂九逝猶呵壁易象孤搜早息機
憂患彌天羣聖遠可能海角一傳衣

助詞要眇契神思學海窮年自得師新會差能開浩瀚
桐城終與鑄瑰奇百家揚摧吾何讓干劫推移意尙疑

說向先生應有痛橫流無地足扶衰
當年吾祖走蠶叢薄宦真成怨道窮
每以風裁推葛相共傳教化啓文翁
牧民寬猛雙心迥說尹噫嗟馬口同
傳業未能行老大幾回撰杖涕橫空
畲伯鷹意未盡乘風將淚返何異戴星奔
負米成虛願飛書有罪言百艱餘安
骨萬憾欲殘魂了了區中夢何勞叩
九閭亦知成暫別寸意鬱煩冤舳舻
新潮急嬋娟宿夢溫心哀羣籟寂眼
倦一鐙昏莫便悲淪放看看裂厚坤

一室

一室沉冥意朝光破曉才樓頭飛細雨屋角隱輕雷病
柏枯凋盡疎花爛漫開苦吟成底事小立興悠哉

久繫

久繫成滋味傳呼刻刻縣長愁嗟薄宦微笑得酣眠海
霧騰騰上江波逐逐圓鐘聲無着處時破定中禪

圓府

圓府歸車夜寂寥江波無際鬱新潮飄風疾雨看孤咤
逐電奔霆走萬囂接坐胡姬通嫵媚閉門吳賈坐逍遙
青紅幻盡人間世賸着街燈弄影驕

屋貴

屋貴春申未易居蜂衙鴿舍足躊躇載過曲徑尋空宅
卻上高樓望廢墟風雨彌天供點染川原無際會淪胥
球場蹴鞠兒時事又費閒心一嘆歔

垂楊

垂楊陰裏草萋萋曲徑交叉路漸迷欲覓櫻雲無盡意
不辭追夢到橋西

奮伯鷹

妖霧沉陰塞大千誰從秦鏡判媼妍遊心自運鯤鵬海
呵氣徐噓蠓蠓天擾擾絃歌淪小劫勞勞筆札送華年
衆芳蕪穢苓通帝覓夢荒村一慨然

5022678
2
080
1

館

湖

通河

理為本(四)字限